



詩綜卷七十一

小長蘆 朱彝尊 錄

歙州 汪立名 題評

陳繼儒 三首

繼儒字仲醇松江華亭人有省公全集

靜志居詩話仲醇以處士虛聲傾動朝野守令之藏谷由夫片言詩文之佳惡莫其一顧市骨董者如趙學良史推場品書畫者必求張懷瓘估價則有鬼國之冊門聞鸞羽之車時無差雜互相裝飾甚至吳越越布皆被其名實委耕師乎呼其字吟遺集具在未免名不副其實焉

月下登金山

江平秋萬里山靜月三更彷彿寒烟外孤洲有鴈聲

春日訪殷東皋

櫻桃花開春可憐何處游人不放船却羨白頭殷處士

明詩綜卷七十一

鵝鳩聲裏獨耕田

山居雜詩

青草湖邊白石西竹籬茅屋酒帘低飛來飛去雙黃鳥不到濃陰不肯啼

王 留一首

留字亦房吳人穉登子

淮北道中

沙灘高下浴鳧鷺新出菰蒲綠未齊移橋過淮應化枳種楊當路半生稊船頭鼓角頻逢驛河上金錢浪築堤醉後無端千里夢直隨明月到深閨

茅 維一首



維字孝若歸安人有孤園集

居碑真云孝若天十地萬於體離斷不念陳仲賢

云孝若詩詩秀清華絕無累句梅聖俞云孝若陶鑄古人真琢尚磨精而陷

早秋寄允兆

秋風難作客匹馬欲南歸龍塞黃雲合江淮紅葉稀于  
戈愁獨卧鄉園夢全非已小刀鏗約滄洲可拂衣

盧原一首

原字原甫南海人有五湖游草

甘露寺望金焦

北固山頭寺崔嵬瞰大江縱無甘露下應有毒龍降陳  
迹羊爲石新雛燕入牕望來浮玉近遙對碧峰雙

卜舜年四首

明詩綜卷七十一

二

舜年字孟碩吳江人嘉興縣學生有綠曉齋集

詩話孟碩家居盛澤幼赴嘉興童子試時文福頰欲量知縣事亟嘗與  
文故置第一遂補諸生讀書東塔寺尋游陳仲醇之門員才敏世恒衣  
蒞衣入市題其門曰鄉人皆惡國士無雙惟與同里張汝培端甫結契  
時相和酬孟碩既失意坎澔不平仿屈平楚辭作滔滔章厥帝詰河伯  
之文有曰東馳滹沱兮南絡沅湘黑者錯白兮弱者間強災旣淪於人  
坎兮害乃基於劉林翹商羊之子舞兮又安視鸞鳳之踰踰固帝心之  
欣禍兮亦今俗之好殃又聞杜松劉挺二將妾師賦長謠千餘言以詬  
楊錫平居好結客客至必留坐是奇寤或三日不與談不乞米於人也  
詩尚崛奇聞

有合律者  
邨社迎神曲

旦旭兮瞳矇神鴉起兮雲中沐予髮於蘭湯兮振子衣  
於蕙風潔齋俟兮土公土公不來兮勞心忡忡

黃浦晚度

殘照收黃浦孤舟何處依沙昏秋鴈落潮滿夜漁歸薄



海山川曠前途廬舍稀帆輕天路近直與鶴俱飛  
冬夜垂虹橋

卸馬垂虹畔深宵感慨增橋明霜正下江遠月初升吏  
軍城無柝僧歸塔有燈王風京路阻欲詠媿無能

湖上送別

西風奮枯林潮沸盛湖晚淚眼對殘陽看君行漸遠

姚士彝 一首

士彝字叔祥海鹽人國子監生有蒙古堂詩集

薛潤孃七夕生日

生逢烏鵲渡河秋乞巧今番免上樓莫訝眼邊多俗物  
天孫亦祇嫁牽牛

明詩綜卷七十一

三

邢昉 二首

昉字孟貞高淳人崇禎諸生有石臼集

陳伯璣云孟貞詩無

一暢懷語讀之令人增感

聞亡女訃寄內

垂老常嗟別書傳江漢稀青鬢憐弱息秋草忽同歸多  
病愁難共還家興轉微尚餘殘淚在相對灑牛衣

月

偶聽烏啼漏未殘小池冰合夜深寒最憐一片霜天月  
已是離家十度看

口號

蜀江船不到三巴湖南船不到長沙滿地干戈關塞裏



行人那不早還家

張 屈 二首

屈字醒公長洲人處士鄉里私謚貞節先生有

醒公詩集

邢孟貞云醒公詩高寒類孟東野幽渺過之讀之使人不惟金孝章云醒公汲幽梯峻返之冲澹希夷不可

蘇黃遺物方

十角山居懷金文裕

江光映林際纖月微微落冥冥靜夜鐘沉沉響深閣言  
念君子交於道信不薄空谷常感懷終不我離索

弔古

弔古不疾哭欲哭聲已吞嘗膽吾自苦對世不敢言中  
夜望星斗失序何足論至人竭精力能使移崑崙夏月

明詩綜卷十一

落天霜方報君子恩

弔邵昇遠 一首

弔昇遠字

松江華亭人

念田家樂為陳孟言賦

香稻收花穗已齊幽棲渾似灑東西萬竿修竹千叢菊  
十角黃牛五母雞婦起炊糜朝出饁客來留榻夜分題  
橙黃蟹紫新醅熟日日何妨醉似泥

沈弘之 一首

弘之字茂之蘇州嘉定人有清溪草堂詩藁

李本

寧云茂之近體含蓄不露得唐人之遺風

濟寧舟中望月憶家



野曠天連水登爐四望寬家逾千里隔月訝兩回看客  
裏光相對閨中影自寒郵籤計程速定已夢長安

施武 十三首

武字魯孫別字百靈長洲人崇禎間游于滇有

楚游草西覽篇

詩話魯孫孝子佯狂翫世華善書鄭孝廉士敬謂曰君書直逼二王不  
雜唐宋以下筆法魯孫大喜於同人廣坐中編題箋扇呼士敬曰君頗  
知書吾書究誰似士敬謬曰今日書不見佳魯孫瞠目左右視擲筆而  
去嘗語人口吾於詩極力摹擬古人僅可雜之王仲初集中耳今吳人  
墨筆點定子丞錄十三首滇黔風景可得其大槩焉

烏雅關

朝上烏雅關暮下烏雅關老烏啼啞啞行人還未還

關索嶺

明詩餘卷七上

五

高嶺呼將軍將軍祀其上行人仰望時白雲隔千丈

相見坡

上坡面在山下坡山在面相見令人愁不如不相見

鳳羽詞 鳳羽  
山名

鳳羽低連鄧睽川山頭流水屋邊田額尖新樣姑姑帽

五月羊皮帶汗穿 鄧睽詔名姑姑帽滇人皆  
以羊皮繫額寒暑皆披

街子詞 滇中以作市曰街子  
逢辰亥戌未日為期

豬街纔罷又龍街蠻女牽羊入市來背上擔兒嘗慣負

胭脂落盡小桃開

土官出山詞 土官唯參謫官長始冠紗  
居常但用皂綾青布裹頭

嗚嗚牛角滿山陂腰下橫刀弩箭隨雜部椎頭皆束帛



卓綾纏額長官司

煮鹽詞 滇中鹽井四唯黑白二井謀稅甚多餘不及焉

使君不及鬱林廉舊例逡巡新例添白井爭如黑井好

一斤水煮半斤鹽

出獵詞

秋高出獵草根枯漫縱韓盧不用呼新襲土官誇武健

側身馬上獲雙狐

歸化詞

滇中山茶天下第一唯歸化寺者其本合抱花大如盂國初已前物也遠來宦游竊客留別交好至此莫不墮淚

鴛鴦夢斷綵樓空馬首蕭蕭故向東歸化寺前多少淚

年年三月蜀茶紅

麗江詞

麗江府即古笮國地也地寒五穀希少惟產良金毛布之類方伯用黃金必索其直從來直指公皆不按其地聽之而已人皆

明詩綜卷七十一

六

耳上貫環好衣紅與西域相類

麗江水繞雪山寒郡縣羈縻異國看千里羅笮地名無貢

賦黃金有價不輸官

永昌詞

永昌古哀牢國也國初流配獨多吳人故語言風俗宛似南都為滇之首郡

漢武窮邊開永昌哀牢部落散丁當流人不學花蠻語

城郭風烟半建康

寶井詞

寶井在姚關萬里外非容易至販賣者止至緬中交易緬中多瘴癘除三冬與初春通夷者不敢出

緬中花落滿蠻山千兩鴉青馬上還寒食雨飛防瘴癘

漢人不敢出姚關鴉青寶名時適有是寶重一兩三錢價三十貫

賣雪詞

大理蒼山雪六月不化市上女郎賣之猶吳下之賣冰也

雙龍關裏百花香銀海透迤迤抱點蒼六月街頭教賣雪

行人錯認是瓊漿

鄒 澐 二首

澐字中朗秀水人縣學生

江行望廬山作

亦知山有寺咫尺見雲封瀑布千尋水香爐何處峰向  
晴微見樹卓午詎聞鐘來往驅塵事深悲負短筇

武陵

仙源應不記年華洞口今開幾樹花若使重來津可問  
扁舟我亦願移家

卓人月 二首

人月字珂月仁和人貢生有蕊淵集

明詩綜卷七十一

七

詩話珂月才情橫溢所撰續千字  
穩帖而奇肆詩亦不為格律所拘

泊烏鎮不寐作

逆風逗歸期今夕寄淺港月出人不知閉戶若羸蚌遠  
寺燈微明未罷老僧講良久喔喔聲荒雞引其項

贈女鬟紅衣

石家醋醋喜穿緋裹手擎觴率意飛坐上恨無姜石帚  
長歌一曲惜紅衣

華 淑 三首

淑字聞修無錫人

雜詩

斲木為車其半為輪車自招搖輪何苦辛



洞庭西山

圓湖比滿月青山猶挂影晴陰網輕瀾深翠積遙嶺滌  
洄柔櫓前如魚狎藻苻戀彼楓袖香丹黃點妍靚終期  
宅此居一樓一舫舫舫君公遙樓當銷夏冷竹木侍  
巾裾烟霞開簿領

消夏灣

平湖添一曲風色遂全幽晴泛亦疑雨山居猶在舟橋  
橙垂戶戶菱芡聚洲洲不信偏宜夏暄涼儘可游

林雲鳳

三首

雲鳳字若撫長洲人

詩話若撫嘗鍾譚談張之日守正不回詩篇極其繁  
富惜知者寥寥因阮終老相如遺草已不可問矣

明詩綜卷七十一

八

行路難

上客且莫餐聽歌行路難茹荼知味苦食梅知味酸蜜  
中亦有整棘中亦有蘭人情反覆君自看泣者未必感  
笑者未必歡曲如羊腸鬱以盤令我喟然摧肺肝

韓淮陰廟

韓侯遺廟在過客不勝悲未請真王印先收大將旗功  
忘百戰後恩報一餐時何似清淮上終身把釣絲

憂邊

絲綸閣下議東征為遣元戎出大明邊月曉懸弓劔影  
朔風秋散鼓鼙聲滄溟萬里波臣國紫塞三千浪子兵  
奏凱木聞糧援絕不知平壤幾時平

項真

真字不損秀水儒學生貢入國子監有西湖草  
詩話不損以門才自豪兼綜今古文深為李長蘅聞子將所賞有御史  
巡按至浙試士子文經書發題外俾作一詩題是賦得多兩紅榴折不  
損書法絕倫以行草縱筆寫之同學慮御史必怒成爲不損危而御史  
竟拔置第一益自負儻莫不羈入修門坐事瘦死于獄子嘗見其爲閩  
人銘梳奩曰人之有髮旦日思理有身有心奚不  
如是筆法極其飛舞釋其語殆亦非真狂生也

社集分賦得竹林

入林非任誕懷抱良有託把臂愜同志痛飲戀狂藥修  
竹何蕭蕭微風籜已落故叢擢纖枝碧影墮杯勺盤桓  
不能去嘯詠或間作管絃非所好况乃靈囂号仰視飛  
鳥翔醉眼空寥廓契此考槃趣謝彼影纓縛寄語道旁  
子沉冥與爾各

用詩綜卷三十一

九

謝夢連

夢連字孟草長洲人有遺詩

陳玉立云孟草詩使事必  
穩標韻必諧 金孝章云

孟草遠絕時調詩以自  
然爲宗不失唐人風韻

送友人游天台

細雨靡蕪綠扁舟渡若邪春流飛竹箭暮靄隔桃花佞  
佛何妨酒游仙莫問家儻憐人外癖分我赤城霞

治平寺寓友人攜酒見訪

吾友攜尊至開門黃葉深斷雲孤岫冷斜日半湖陰獨  
往無千古相期有寸心行行難以別明月在長林

秋夜

木葉始微脫庭空蔭薜蘿誰云秋氣慘我愛夜涼多林



逗織纖月雲浮澹澹河坐深人境寂新鴈一聲過

何大成 一首

大成字君立嘗熟人

抵夔州覓少陵草堂

成都草堂今若何且向西瀼飽經過亂山不斷烟雨色  
匹馬時聽巴渝歌峽中長年布帆穩驛路官長油衣多  
吳趨老人真好事貪訪遺跡空蹉跎

邵 濂 一首

濂字茂齊嘗熟縣學生 馮已蒼云邵君詩清曠玄澹

雨

終日雨如絲連山芳草碧庭際孤雲屯遙村暮烟積

明詩綜卷七十一

十

渡行人稀圓沙一鷗白寂莫想晤言誰破蒼苔跡

屠應韶 一首

應韶字韶甫秀水人有松吟草

贈歌童

弱質偏姚冶清歌意獨新未須聞別調梁上已飛塵

李 翹 二首

翹字時實松江華亭人有樵雲居豪

感遇

幽蘭出深谷冰雪揚芬芳天桃得春風榮華耀朝陽萬  
物各有時盛衰詎可量君子重制行通塞夫何傷對此  
遲日嘉且進花前觴

寓言

松柏有蔦蘿生死共依附柔弱不自持垂垂百尺樹草  
木匪金石榮華寧久駐摧折非所期飄零更誰顧

丘遂一首

遂字叔遂嘉善人初為僧字凡可中年以口舌

忤鄉里貴人反儒服補縣學生有丘叔遂詩草

江上雜詩

竹筏歸從柳外汀鷓鴣隊晚風腥漁師不避豆花雨

翻脫蓑衣覆酒鉗

吳拭三首

拭字去塵休寧人有遺稟徐武子云去塵慷慨重然諾中  
年以結客傾其家晚栖吳市尋

明詩綜卷七十一

避兵虞山困厄死其詩自出機杼決難泯沒朱子荅云去塵風鏗子  
貴破產結客贈子手製糜丸不啻沈珪對膠也答金陵遍題十寺廊壁  
七言如花雨已過寒食後風箏又傷社壇斜蠻鄉有夢三千里閩海無  
書二十年半偈歲深香積飯一番春老木棉衣移家轉近寒山詩深篋  
惟餘秋水篇衣上露涼飄桐葉鱗  
湯彌重屢蓋花論之神采益目

苦寒

嚴霜摧百草北風何其涼我愁豈在躬憂此道路長忽

忽行役中不復知景光凝水屬仲冬萬物咸閉藏吾非

寒號蟲乃思驕鳳皇躊躇三歎息落日照路旁

無題和斗生二首

海外雲生碧浪陰蘋鱗蒼鴈總浮沉寥寥天漢雙星小

寂寂梨花一院深貞玉有光還易見明珠無定杳難尋

輕鸞欲繡愁無力除是靈芸七孔鍼



巫山遠在暮雲中，愁隔春燈一點紅。莫道金刀難翦水，  
須知紈扇也驚風。化為蝴蝶飛纔竝，除是鴛鴦睡不同。  
最是游絲無賴甚，又牽春去過牆東。

沈章 六首

章字宗玉嘉興人國子監生有苧莊集

詩話上舍爲亡弟千里婦翁詩頗崛奇所居苧莊略約相通環以水竹余嘗讀書其地今其二子皆登鬼錄遺書莫可問矣

示弟漣

蠶則有蛹蠶則有績矧伊人兮胡不爾德解一昔我先人

實懋厥功靡不夙夜克纘其宗解二伊余懷兮程是稼穡

一經不遺以永朝夕解三朝斯夕斯日月言邁令聞或忒

我心匪懈解四人亦有言聲類是求相彼蒼鷹氣化爲鳩

明詩綜卷七十一

十二

五淵冰在前惕焉戾止繩墨在御敢以勗子解六

淮陰侯祠

淮水十斗泥半石行人入門三歎息王孫功高天下疑

赤龍雌雉俱慙德前有渭水後桐廬進則不足退有餘

曷不歸釣城南魚

靈谷寺看梅

下馬看碑度孝陵山椒十里樹層層半開香氣清於水

一路人家靜似僧春動粉鬚都化蝶夜寒花片欲成冰

思憑一枕羅浮夢月白烟黃睡未能

岱宗次吳秋圃師韻

四十里程半日行下觀鄒魯井中耕樹從樵口標秦漢

人與繩籃託死生，深髮不知何處雨。曝衣猶及上方晴，東風無力吹雲去。抹斷齊州水一泓。

隋堤懷古

邗溝新碧晚濤平，楊柳曾遮殿脚行。誰道雷塘歌吹歇，月明重按玉簫聲。

天池寺

竊粟猿雛戲法幢，天池中劈石門雙。深山不是無燈火，解惜飛蛾夜觸牕。

邵德生二首

德生字大生

人崇禎中儒學生，有清聞軒

豪

明詩綜卷七十一

十一

夜度清遠峽

枕上不見山，但聞水聲駛。自非山百尋，水急那如此。

楓亭

草樹隨方別，楓亭故有楓。故鄉烏臼樹，霜色更深紅。

陸壽國一首

壽國字靈長，長洲儒學生。天卒鄉人私，謚孝簡。

子有嶺雲集

虎丘春步

好鳥語芳樹，春山遠近看。攀厓振蘿策，度塔跨雲鞍。縞袖翔飛燕，青箋賦木蘭。雨餘客去後，新月上欄干。

吳道約一首



道約字博之一字亞侯桐城人縣學生有大易山房稟

懷方子恒

王孫別去草萋萋江麓殘烟送馬蹄我念故人腸斷絕  
小橋流水夕陽西

沈嗣貞 一首

嗣貞字紀常秀水縣學生有荀草堂集

譚梁生云  
紀常諸體

俱臻  
典雅

秋夜

適館聞衙鼓歸家聽寺鐘欲為僧苦寂未作吏先慵夜  
永蘭膏滅秋深玉露濃此中忘去住城市有高蹤

明詩綜卷十一

十四

李肇亨 三首

肇亨字會嘉嘉興人太僕日華子有寫山樓率

圃夢餘諸草

詩話吾鄉鮮巖壑之勝然園亭之參錯水木之明瑟舟楫之沿河縱游  
覽所如而不倦萬曆以來承平日久士大夫留意圖書討論藏書以文  
會友對酒當歌鴛社之集譚梁生偕會嘉和之先後賦詩者三十三人  
事未百年而閩閩故老已莫能舉其姓氏玉杯錦席之地皆化爲宿草  
荒烟惟李氏寫山一樓尚未椒飛粉落宛  
然靈光之在唐錄珂雪之作不禁慨然

秋興

溪樓閒眺望秋思滿林塘潦水芙蓉爛西風擺袂香晴  
光翻去鳥野色動寒螿問詢東籬菊還須後夜霜

題宋人江泊圖

愛見江邊樹蕭疎落照前遠峰分霽色小塢共寒烟鴈

迹留沙渚猿聲到客船十年湖海夢今日倍依然

西冷寓室

露氣橫疎柳香風送晚荷不知湖面闊止覺四山多

駱雲程二首

雲程字天游一名雨禾字穉孫嘉興人有廣禽

車觀言

布穀

脫却破袴衣著新莫著故新人紈綺舊荆布貴易交富  
易婦朝還朝暮還暮人生肯繫如匏瓠

鳳皇

節節足足雌鳴雄續不集于梧不集于竹栖棘斯危在

明詩綜卷七十一

十五

箴則辱雄于雌于何德之衰于

譚貞和一首

是秋牌貞和字閻仲嘉興人贈太僕卿昌言次子

社集分賦得金谷

日月長麗矚溪山餘素期別廬欣賞間更復賓主宜監  
軍曠高懷祭酒澹塵思盤礴澗道上澗冽符參差竹柏  
既峭倩藥草復繁滋觥飛罍交錯紛急管威夷迨迨錦  
步障晃晃珊瑚枝姬侍列雲屏倡舞喧相追豪侈極人  
目俱言此會稀席終方奏序興往各稱詩遺韻珍當年  
勝游示來茲不負歲寒約意氣歡足持

譚貞竑一首



貞竑字立生貞和貞良之弟有清音閣詩草  
南屏歸艇遇雨

望裏南宮潑墨山小牕殘燭放舟還從容畢竟輸漁父  
藕葉菱花泊淺灣

秦徵蘭 八首

徵蘭字楚芳嘗熟儒學生

徐大臨云道傳天啓宮詞百首乃秦州秦秀才辭而同里陳隆

據為己作公詩錢跋行之

然語德陵實錄為黑頭爰立者所擢天啓四年七年事遂爾道侯秦秀才宮詞裙摭禁庭瑣語頗稱詳核第合而觀之嫌其速客覲居多而毫關德陵者寡不無微憾耳

天啓宮詞 八首

紅粉排班玉輦旁西園花柳踏春陽中宮侍從偏無幾

明詩綜卷七十一

十五

窄袖高鬟一樣妝

自注張后性淡靜愛憎稍與眾異宮人效江曲作廣袖低髻尤為后所厭薄春秋佳日駕幸西苑等處

坤寧宮侍從多不逾三四十輩其妝象如圖畫所見古人像宮氏往往目笑之

石梁深處夜迷藏霧露溟濛護月光捉得御衣旋放手

名花飛出袖中香

自注乾清宮丹陛下有老虎洞不知所始洞背為御街洞中鑿石成壁可通往來上嘗于月夕率內侍賭迷藏

為戲潛避其內諸花香氣上所駕愛時采一二種貯襟袖間故聖駕數武外輒識之以芬芳襲人也

內河環遶禁城邊疏鑿清瀾勝昔年好是南風吹薄暮

藕花香拂白鷗眠

自注神廟靜攝年久紫禁城內河壅淤不通德陵復令疏浚之春夏之交景物尤勝禽魚菱藕儼若江南

聖主多能絕代姿罷朝常是運斤時裕妃笑指燈屏問

雕到寒梅第幾枝

自注裕妃未罹禍時宸眷獨寵上好雕鏤木器護燈小屏八幅手刻寒雀爭梅戲界諸少璫令鬻之仍諭以御

制之物價須一萬翌日如數奏進大悅

瑠璃波面浴鷗鳧艇子飛來似畫圖認著君王親蕩槳



滿隄紅粉笑相呼

自注上款借中官沈葉舟于西苑手操篙櫓去來便捷

美人省黛月同彎  
侍駕登高薄暮還  
共訝洛陽橋下曲

自注兔兒山即旋磨臺乙丑登高聖駕臨幸鐘鼓司掌印官執板唱洛陽橋記擲省黛鑽不開一闕次年復如

之宮人知書者相顧疑怪非特於景物無取語意實近不祥也不期月而鼎湖龍逝矣

風掠輕舟霧不開  
錦鱗吹裂綵繡摧須臾  
一片歡聲動

捧出真龍水面來

自注乙丑端午駕幸西苑用綵繡飾小舟首尾為龍形上手持划具同少璫劉思源高永壽蕩漾橋北怪風忽

起雲霧四塞舟覆二璫淪死管事譚敬匄匄赴救扶駕出水

水鴨銀苗院院同  
鵲橋衣卸巧山空  
晚涼供罷波羅蜜

去看河燈萬點紅

自注七夕節各宮立乞巧山子宮春衣鵲橋補自初一起至十四止中元節食銀苗菜藕之嫩芽也水鴨先一夕煮熟凝成膏者甜食房進供佛波羅蜜西苑作法事放河燈已上數條宮中舊例惟宮人內官深夜相攜看河燈則辛酉後事也

吳天泰

二首

明詩綜卷七十一

十七

天泰字謚生秀水人歲貢生有星帶草堂集

示族子

人生各分定如面異點  
暫讀書求仕宦運數杳莫測  
不如事田廬勤苦但食力  
我家本清門中葉浸流  
失相將習游閒遂乃離樸質  
流覽五服遙頗喜見諸姪  
水國采菱魚陸海種秔秫  
上可奉高堂俯足寧家室  
少游嘗有言款段與下澤  
鄉里稱善人庶幾念祖德

題周仲吉畫

雪色滿天地扁舟傍深谷  
危峰入層雲幽意動遐矚  
溪橋凍未澌老鶴立寒木

吳麟玉

一首



麟玉字稚禎別號雪翁秀水縣學生有醉月聽  
溪二軒詩藁

邨居

屏跡市塵外烟邨聊索居貧無乞米帖嬾有絕交書松  
下近調鶴雨餘新種魚更添數竿竹遮却往來車

徐准一首

准字愛竹嘉興縣學生有愛竹軒詩

宿金粟寺

昨歲曾游此莓牆墨尚新雨花長似粟觀海更無津下  
榻便行客烹茶費主人

時查孝廉寓此讀書

年來稀戰伐鼙鼓但迎

神鼓係孫權所留

明詩綜卷七十一

十八

徐仲選一首

仲選字華海一字鶴友海鹽人國子監生有鶴

友詩藁

詩話鶴友近體刻意學陸務觀

水邨

照檻晴光眼未迷瘦藤斜影度橋西沙頭白鴨黃鵝睡  
籬畔瓜棚豆架低屋似魚船疎荻繞亭如僧笠稚松齊  
此鄉風景真堪戀只合攜鉏坐菜畦

嚴紹宗一首

紹宗字隨翁無錫人有鳩緣集

新秋廷鳴移具小樓待月

秋至杳無跡，颯然風滿林。倚樓羈客思，呼棧故人心。紅葉疎簾冷，青蘋小院深。月明今共賦，心事兩浮沉。

曾元良一首

元良字君山，秀水人。有烟波集。

秋柳

俄驚搖落渭城邊，悵望遙颺絕可憐。病葉幾能禁驟雨，柔條猶自鎖寒烟。從教歌院頻翻譜，忍見郵亭更折鞭。淒斷新霜板橋曲，衰荷相伴曉風天。

高秉藻二首

秉藻字友葵，松江華亭人。縣學生。有潤照堂詩。

湖堤

明詩綜卷七十一

十九

含館意未安，游覽力已猛。披衣出芳原，蒼翠周四屏。琳宮千百尺，截嶽吞顛景。蘭若非一居，鱗次若萬井。旋窺大佛寺，却失龍象整。其陽枕江濤，其陰負修嶺。步步異前蹤，行行惜去境。斷橋曾不斷，石堤相與永。綠柳何葳蕤，間之桃與杏。柔颺翦綺縠，密葉含藻荇。羣秀欣有託，萬象紛然炳。歎息蘇長公，千載若俄頃。江山不改舊，風月誰爲領。撫景念往昔，令人發深省。

淨慈寺

維艸綠楊岸，爰命輕策從者。四五人鈎衣，防亂石南屏。鬱宮堯琳宮，寄萃律柱礎。錯互置枕栱，向背出檻鳳。威羽翔幢龍，鱗甲拆法象。有三身應真，計五百伊昔壽。



禪師于此布法席言詮雖已繁圓鏡乃歸一我來祇樹  
下髣髴天竺國碧篠吐笙簧青松韻琴瑟口分茵陳飯  
手展貝多帙逆風發栴檀香氣何醃醢非無豪士豪爲  
憚律僧律徒倚澹忘歸山空落紅日

沈文輝一首

文輝字履亨嘉興縣學生有瓜田遺藁

西莊

乍喜人烟別都無俗客喧漸能諳稼穡不復厭雞豚仄  
徑苔梅古疎籬竹屋存東塍近僧院清磬報黃昏

繆師伋一首

師伋字孟思嘉興人

明詩綜卷七十一

于

九日

黃菊東籬下還逢九日開今朝尊酒盡無復白衣來

周青

士云  
調合

顧玘徵一首

玘徵字文玉嘉興縣學生有讀書臺藁

感舊

烏衣門巷舊游非王謝堂前燕子稀有客有客莫遑處  
式微式微胡不歸乾坤萬里愁雲合風雨三秋落葉飛  
極目天涯誰與語釣篷思老一魚磯

嚴焯二首

焯字子尹嘗熟人有南虞小草



詩話子尹詩律頗細如詠雪云竹上有雪如雨夜庭中無月亦明時令永嘉西靈見之定把臂入林也

### 長相思

長相思在夢中自君之出羅幃空牕前浙浙來朔風滿  
天霜雪鳴孤鴻楓林青守關塞黑終然萬里魂難通長  
相思何時終

### 初夏偕顧魏二子游西關

散步西郊任所之雨餘新綠倍濃時同游此日還同散  
明日分飛各不知

### 曹氏臣一首

臣字野臣歎人有鬼訂集

野臣詩冥搜苦索不  
由康莊轉入僻徑自定其集曰

鬼訂以為非  
時人所知也

### 明詩綜卷七十一

三

### 郝公琰墓下作

郝之壘今已矣憶君棄我已三年一棺裹骨黃泉裏我  
欲呼君君不起慘柏悲松聲聒耳幾莖瘦草不成叢是  
我頻來淚澆死

### 湯傳楹二首

傳楹字子輔更字卿謀吳縣學生有湘中草

### 倚樓

天影一何澹空庭無雜喧暮山隨靄沒黃葉帶鴉翻無  
徑不秋草與鄰同小園偶然搔首處竟夕未能言

### 渡口別

一水盈盈便渺然夕陽搖落渡頭船長堤燈火人歸後



回首西樓盡暮烟

馮元仲一首

元仲字次牧慈谿人有天益山房詩集

題晏長侍祠

嗚呼晏長侍石室存道統上像皇帝三其左周召孔宋  
之四大儒一一接其踵我我殿三楹像皆刻石奉四壁  
龕者五分標五經總古人所未聞此是我作俑猗彼何  
人斯卓哉儒者勇

詩話都城西山弘教寺傳是正德間中貴晏忠所造寺前有澗過澗壘石為門題曰道統門石殿三楹上琢三皇五帝三王像左鑿周召孔孟諸聖賢右鑿周程張朱諸儒像別一石龕以藏五經殿外一石亭壁列鐘簣千戚錢鍾弁裳之屬左龍馬馬毛旋列五十五數具一如河圖古龜龜甲四十五數具一如洛書東堂三楹壁列忠臣龍比以下孝子曾閔以下若干人按元史泰定二年中書省言養給軍民必藉地利世租建

明詩綜卷七十一

三十一

大宣文弘教寺寺賜永業當時已荒虛費今遺蹟已無可考觀晏公祠石象禮器制度渾朴不類明時匠人所鑿且元於儒釋初無所分疑寺即宣文弘教之遺址晏忠特從而修飾之爾金華姜給事應甲詩云空山石祠堂落穆跨深窅肖古聖賢高下坐淵漠殿墀列龜龍如出自河洛煌煌先儒語所為忠孝作性理累百卷題壁見大略歷覽感吾心人傳晏公鑿厥志在尼山高邈得所託媿哉被檀施覺血丹履則竟以為長侍所鑿次敘亦沿其誤至云古人所未聞此是我作俑不知竟字列聖賢像始於文翁踵於趙岐漢之道碑若同隸技尉魯荊州劉史李剛從事掾武梁祠皆在刻石聖賢像非作俑比也

丁元公一首

元公字原躬嘉興布衣晚為僧號願菴

詩話原躬負奇恒與俗詭語書画俱全逸品兼精終家詩亦不屑作庸熟語

題画木芙蓉

吹遍鯉魚江岸風露條霜蕊一叢叢謝家池上秋容

闊十里長隄間白紅

一作空

喻應益 一首

應益字叔虞新建人

滕王閣

飛閣千年勝跡留層巒遠水檻中收萋萋岸綠王孫草  
湛湛江平帝子洲煙樹尚含羅綺怨風濤不散管絃愁  
飄零莫縱登高目門掩斜陽獨下樓

馮夢龍

夢龍字猶龍長洲人由貢生選授壽寧知縣有

七樂齋稟

詩話明府善為啓頰之辭間入打油之  
調雖不得為詩家然亦文苑之滑稽也

冬日湖邨即事

明詩綜卷七十

三

蒹葭一望路三叉遙認莊窩去路斜舟響小溪過蟹舍  
屋頽高岸露牛車輕霜隄柳餘疎葉暖日邨桃早放花  
平野蕭條聊極目遠天寒影散羣鴉

明詩綜卷七十

蝶夢莫戀登高目門前餘照豈不難

蘇軾云平布七尺野橋清冷風酸淡風韻不難香熱寒

秦關千草秋聲響風韻秦水韻中外萋萋草豔王舒草

蘇東坡詩

蘇東坡詩 蘇東坡詩 蘇東坡詩 蘇東坡詩 蘇東坡詩

喻應益



明詩綜卷七十二

小長蘆 朱彝尊 錄

虎林 汪奉來 緝評

張鈐 一首

鈐字宇衡沁水人萬曆甲辰進士除保定推官

鑿香檣擢浙江道御史巡按江西再按遼東陣亡贈大

理寺卿加贈兵部尚書諡忠烈有集

宜春臺眺望

臺以宜春勝登臨恰仲春竹風如款客花氣欲熏人  
色平依檻江流曲抱城昔賢棲隱處覽古倍含情

張振德 一首

明詩綜卷七十二

振德字季修崑山人萬曆丙辰以選貢知興文

縣事天啓辛酉死奢崇明之難贈光祿卿諡烈

魚兜堡

湫矣南荒地居然小有天魚兜沉夾浦龍洞闕靈泉耕

鑿番歌穩追呼羽檄連遠臣憂主辱未敢賦歸田

張可大 一首

可大字觀甫其先孝感人世襲南京羽林左衛

千戶中萬曆辛丑武進士歷官都督同知轉右

都督改南京左軍都督府管府事鎮登萊崇禎

壬申吳橋兵變回攻登州城陷自縊諡壯節



書邊事

無端小草出登壇壯士徒歌易水寒枉把全師輕一擲  
遂令宿將盡三韓腐儒誤國由房琯野老吞聲恨賀蘭  
豈是彼蒼開殺運祇因人事自摧殘

陸夢龍一首

夢龍字君啓紹興山陰人萬曆庚戌進士除刑  
部主事歷員外郎中出為廣西提學僉事轉江  
西參議湖廣副使貴州參政廣東按察使降補  
河南參議轉山東副使調陝西以參政分守固  
原道崇禎癸酉戰死贈太僕寺卿謚忠烈

西風  
宿東林寺

明詩綜卷七十一

二

禪房獨樹鳥爭棲月色冥濛霧漸迷曉起不知山路滑  
西風吹雨過前谿

孫承宗

六首

承宗字稚繩高陽人萬曆甲辰賜進士第二除  
編修歷坊局以禮部右侍郎掌詹事府拜兵部  
尚書兼東閣大學士奉命督師出鎮山海加太  
子太保尋加少傅兼太子太傅文華殿大學士  
再加少師兼太子太師予告回籍崇禎二年仍  
起督師又三年復予告歸七年高陽失守入城  
南老營望關拜叱持纜者縊死贈太傅謚文忠

有南陽集

錢受之云公生長北方游學都下負燕趙悲歌之節為  
詩不問聲氣不事粉澤卓犖沉鬱元氣鬱盤魏環極



云孫公古風近體靡不本英分據雄才高步作者之林而充無泥於古

靜志居詩話先生自任天下之重蓋瘁師中司馬之檄方馳樂羊之僮已滿見危授命無媿全人集中三十五忠詩蓋有感於瑞禍而作三十五忠者趙尚書南星高總憲樊龍周侍郎炳讓楊副院璉馮副院從吾何總督士晉左僉院光斗李御史應昇夏御史之令周中丞起元繆宮諭昌期蘇孝功繼歐張尚書問達汪侍郎輝丁簡討乾學鄧中丞漢素御史化中吳總督用先顧憲副大章王尚書紀魏給事大中鄒總憲元標王得郎之家周主事順昌夏文選嘉遜周御史宗建周同起朝瑞黃御史尊素劉知府鐸萬郎中燦吳御史裕中張都事汝達趙宗伯秉忠公侍即羅孟參軍淑孔也東林之君子已得十八九焉先生之言曰起三十五人于九京未必人人大有勳烈而有勳烈者必此三十五人痛惜人才之至矣

### 山海關

甲冑詩篇少乾坤戎馬多幻仍看海市壯擬挽天河塞上人先老山頭月奈何羣雄驕語日一劍幾經過

### 潮

休嫁弄潮兒潮今亦失信乘我油壁車去向錢塘問

### 送友人

山城吹角月婆婆一派秋聲向客多已是愁中聽不得那堪重唱渭城歌

### 閒圃

閒身終日比雲閒不爲秋風樓碧山却訝枝頭雙白鳥夕陽飛倦未知還

### 秋日飲甯氏水亭

孤閣臨流混太清烟波渺渺抱重城西風莫卷枯荷盡醉客重來聽雨聲

### 哭門人李元治



海內交游已漸稀眼前老友幾相依夜來驚有西園信  
淚灑東風滿客衣

呂維祺 一首

維祺字介孺河南新安人萬曆癸丑進士除兗  
州推官徵入爲吏部主事歷員外郎中告歸崇  
禎初薦起尚寶卿改太常少卿進本寺卿提督  
四尺館升南京戶部右侍郎兼都察院右僉都  
御史總督糧儲進兵部尚書流賊陷潁州都督  
趙世臣守清流關兵潰廷議多咎之奪職辛巳  
洛陽陷被執不屈罵賊死事聞贈太子少保尋  
謚忠節贈太傅

明詩綜卷七十一

四

南庾卽事

往事如譚虎先憂甚喘牛自煩前席名屢切北宸憂令  
甲漕難截呼庾例始留徒薪君不信毋乃到焦頭

劉振之 二首

振之字而強慈谿人崇禎庚午舉人署東陽儒  
學教諭遷鄆陵知縣辛巳十二月城陷不屈爲  
賊支解贈太僕寺卿有画溪近草水壺先生遺

橐

詩話先生初署廣文日以志孝勉諸弟子題官舍之柱曰人孰難因吾  
罪可愛又曰一片冰心堪贈友滿腔熱血欲輸君其後捐軀最烈不食  
其言

關湖卽事



秋容到處好碧水湛晴暉嶺樹陰逾密湖雲濕不飛亭  
虛山易入野曠鵲忘歸戶外塵雖滿那能上艾衣

登青笑臺

樓陰倒映水潺湲簾卷空青鳥乍還一幅雲林難著筆  
半沉半露霧中山

汪喬年一首

喬年字歲星遂安人天啓壬戌進士除刑部主  
事累官兵部侍郎兼副都御史總督三邊死寇  
難贈兵部尚書

商於懷古

路入商源萬壑回據鞍懷古思悠哉茹芝高士墳猶在

明詩綜卷七十一

五

徒木姦雄骨已灰計絕楚援游客詐詩題秦嶺逐臣哀  
古今得失俱陳迹惟有山花歲歲開

蔡道憲二首

道憲字元白號江門晉江人崇禎丁丑進士除  
大理推官改長沙癸未八月城陷被執不屈為  
賊所磔事聞贈太僕少卿謚忠烈有悔後集

詩話江門自序悔後集云海後者何前日妄作詩今而後悔也悔後而  
復有集者何吾但能焚前日之詩今日之作且輒之以疎後日之再悔  
也其虛懷可見詩雖音節未諧而清婉越俗如移竹已抽三尺筍  
種桃爭發一庭花又湘水清蘂藤花落魚子生皆不失為生句

送堵牧游入覲

十月迎君南千里送君北一歲雙酒厄隨君變顏色誰  
能入長安便無故人憶下有洞庭上湘江為我留君不

可得我在南君在北夢相思見顏色他鄉飯君強飡歌  
再歌中歎息

歲暮

美人無信至歲暮江梅白家住嶺西東何處寄相憶

馮一第一首

一第字櫻公長沙人天啓丁卯舉人崇禎癸未  
長沙不守走湘鄉將乞師酉陽以圖殺賊爲賊  
所獲斷兩手置營中一夕死

野望

江岸閒行處晴雲澹一天微風生遠樹吹送渡頭船

蔡懋德一首

明詩綜卷七十一

六

懋德字公虔崑山人萬曆己未進士除杭州推  
官入爲禮部主事歷員外郎中升江西提學僉  
事轉浙江參政累官僉都御史巡撫山西太原  
城破自經于三立祠謚忠襄

月下步朱龍橋

長虹何夭矯獨跨萬山中一道來飛練千林壓冷楓歸  
雲奔遠岫涌月洗寒空攬袂登高立憑闌望莫窮

金毓峒一首

毓峒字鶴冲保定人崇禎甲戌進士除中書舍  
人擢湖廣道御史監宣大軍尋奉命督禁旅扼  
畿南要害馳至保定登陴固守城陷投井死



早春雜詠

繫馬河濱及早春鳴鳩乳燕往來頻故園風景知何似  
自媿東西南北人

范景文 三首

景文字夢章吳橋人萬曆癸丑進士授東昌推  
官擢吏部主事歷員外郎中移疾歸起太常少  
卿尋以僉都御史巡撫河南升兵部侍郎轉南  
京都察院右都御史尋升南京兵部尚書坐劾  
時相除名為民已復起工部尚書拜東閣大學  
士京城陷拜闕號哭投井死初謚文貞順治初  
定謚文忠有水餐堂草

夢章羸弱身不勝衣論  
詩類曲每以江左風流自命一日

明詩綜卷七十一

七

持大議抗大節屹然與高陽定興竝峙空峒戴斗為之生色 陳  
皇士云范公詩古直豪邁稜稜露爽遇國步艱難故多悽疾之辭  
詩話啓禎之際秦聲變而至文天瑞楚調變而至尹宣子越吟變而至  
王季重正音掃地矣吳橋博綜舊章領袖羣雅其詩發揚而不厲新聲  
而不佻獨自成家  
不飲狂泉之水

有感

天啓嗣祚年臺諫氣色盛憂危叫九閭所恃上神聖何  
來連斥遂無乃累新政薄謫亦主恩敢廢天子命所虞  
端一開庶言疑欲屏中璫思乘墉况可授以柄於惟我  
神皇高拱握金鏡稍稍視下輕釀成結轡病今誰秉國  
成借之弄機穽罪人佚顯罰反憾言官諍漆室抱深懷  
能不心恟恟尚慎一怒加撫茲萬邦正

宿長清署中有感作



古驛昏鴉坐長塗病馬饑宵寒停柝早時亟啓關遲落  
月三更信春風六日期年年行役苦兩度已於斯

過維揚

游子關情處江空白露秋客程初問水旅思怯登樓非  
是瞻雲切還應見月愁鄉關歸夢裏一夜下揚州

倪元璐一首

元璐字玉汝號鴻寶上虞人天啓壬戌進士改  
庶吉士授編修歷侍講南京國子監司業右中  
允左諭德右庶子國子監祭酒升兵部右侍郎  
改戶部尚書兼禮部尚書翰林院學士京師陷  
自縊死初謚文正定謚文貞有憶草

明詩綜卷七十一

八

詩話曆日之頌明太祖定於九月之朔其後改十一月朔繼又改十月  
朔遂爲定制是日帝御殿比于大朝會士民拜于廷者例俱得賜倪尚  
書天啓中賦頌律詩最爲典重他詩過於新奇不然也尚書晚築室于  
紹興府城南隅應監法式皆手自繪畫巧匠見之束手既成始歎其精  
工時方患目疾取程君房方于曾所製墨塗壁默坐其中堂東飛閣三  
層扁曰衣雲凭闌則萬壑千巖皆在焉下適石齋黃公至越施以錦帷  
張燈四照黃公不治謂國步多難吾輩不宜宴樂尚書笑曰會與公訣  
爾既北行遂殉寇難閣順治初尚存屢嘗攜舍弟千里暇輒登焉今已  
鞠爲荒草矣

皇極門頌曆作

鳳闕開彤旭猊爐散紫烟六階齊度緯七政轉璣璿甲  
曆龍躔改寅賓象魏懸明時功在革資始義承乾黑帝  
威初試青皇位早傳周官新月令甘氏舊星篇人繼羲  
和後書成莫莢前庚先三日戒貞下一元旋圖籙符垂  
赤干支德應玄興王惟省歲太史又編年賜出黃星曜



披看綠字鮮因知天曆數如日起虞淵

孟兆祥

一首

兆祥字允吉文河入天啓壬戌進士除大理評  
事升吏部主事歷郎中謫行人司副尋遷光祿  
寺丞轉少卿左通政太僕卿通政使官至刑部  
右侍郎甲申三月守正陽門城陷不屈死贈尚  
書初謚忠貞定謚忠端

詩話孟公峻節自樹取竹中璫卒殉節于正陽門壬章明顯之以進士  
親政吏部視公殮畢亦自盡時論翕然以爲三百年特見之事故贈河  
南道御史謚節愍順治九年  
定謚忠貞其詩文惜無存

硤石

硤石分秦險郵亭日欲低未知山近遠已失路東西遠

明詩綜卷七十一

九

水看烟起深林畏鳥啼鳳城何處是彌望草萋萋

凌義渠

一首

義渠字駿甫烏程人天啓乙丑進士除行人選  
授禮科給事中歷兵科都給事中升福建右參  
政轉湖廣按察使山東右布政使入爲大理寺

卿京師陷自經初謚忠清定謚忠介有使岷臺

詩話凌公詩義見者解頤嘗與閩文學元京共排續湘烟錄董上舍斯  
張稱其冷豔畢臚比之吳筠入東記及官禮垣封事四十餘上皆切中  
時弊溫輔以吏才稱之轉外濕既謝政入爲大理臨難之頃從容就義  
惟悉取平生摺述焚之爲可惜也公清介特甚田廬一無所遺身後二  
十餘年猶未井椽江都吳綸圍火守吳興時夫人閔尚存圍火蕭拜堂  
下秋深矢尚衣葛衣練帶追而歎息恒以遭敗魚故遺之且卜地葬公  
于驢邨之北  
爲文祭之

鄴中詩



微風入樹冷修修漳水依然咽舊流何處高樓思落月  
久傳疑冢有荒丘佳人南國經春鎖公子西園愛夜游  
最是英雄多感慨當歌今日好銷憂

施邦曜一首

邦曜字爾韜餘姚人萬曆己未進士武學教授  
遷國子監博士歷工部主事員外郎中出知漳  
州府升福建參政轉四川按察使福建右布政  
使南京光祿寺卿擢左副都御史殉國難初謚  
忠介定謚恭愍

詩話浙人不幸萬曆以來執政者前有四明後有烏程德清以是朝士  
不附東林者槩目之曰浙黨此指一時阿比執政者而言則可彌東林  
諸君子全倚浙人助之人品蓋棺論定試觀建文壬午崇禎甲申殺身  
成仁潔己自靖者惟浙為多順治九年定謚甲申殉難文臣計二十八

明詩綜卷七十二

十

而浙居其六繼此授命者更難悉數浙黨之目庶幾可以一酒矣恭愍  
從容自經書其藁云慙無半策匡時難唯有孤忠報國恩蓋初不以詩  
名而自  
饒方格

暮望

返照開西峽穿林度遠塘  
屢枝散高影遠岫駐餘光  
城市歸人急江天宿鳥忙  
自傷遲暮客日日送殘陽

馬世奇三首

世奇字君常無錫人崇禎辛未進士改庶吉士  
授編修累遷左春坊左諭德兼翰林院侍講甲  
申京師陷自經死初謚文忠定謚文肅有集陳

士云公詩春容雅  
麗居然唐人風格

詩話馬公清德奉使諸藩餽贈一無所受比還朝夢中吟久信國詩從  
今別却江南日化作啼鶉帶血歸蓋殉國之志已素定故先兆于夢云



秦淮曲

萬騎南巡正德年內家前隊鐵連錢白衣舞罷乘鸞去  
應有霓裳曲未傳

贈曹元宰守漳州

靈查秋泛海天涼五夜心懸燕寢香總為至尊憂社稷  
漢臣何必薄淮陽

贈鄭少府之任

宦簿無妨吏隱尊清風一拂百年存流移滿目誰堪繪  
念爾監門舊子孫

周鳳翔一首

鳳翔字儀伯紹興山陰人崇禎戊辰進士改庶

明詩綜卷七十一

十一

吉士授編修遷南京國子司業歷左春坊左諭

德兼翰林院侍讀都城陷自經死贈禮部右侍

郎初謚文節定謚文介有集

陳皇士云公詩清麗無館閣猥重之習

詩話甲申三月之變文介授命獨遲十九日城陷語吳莊介云臣子義在必死然必一視大行殯官縞素慟哭方可無憾爾二十一日赴東華門茶棚下舉哀復匍匐至邸自經絕命詩云碧血九原依聖主白頭二老哭忠魂時親猶具慶也於時大學士宜城丘公瑜集議朝房俄而賊入亟走民家自縊為翁人所持不死次日賊蹤跡得之挾入窩舖求死不得賊帥劉宗敏刑辱備加猶慢罵不屈伺守者稍懈乃就縊論者責其滿忍至受羣盜之侮不得與忠臣之列文介東華之哭既不受賊帥之拘而萬舌一辭免腐儒吹疵之論是天所以成公大節而公之素行交孚于鄉國故也不其難哉

舟中聞鴈

一葦秋橫渡三江鴈引羣北來應幾日消息可相聞  
唳孤雲迴蕭疎夜色分當前渾欲訴木葉落紛紛



劉理順 一

理順字湛六杞縣人崇禎甲戌賜進士第一授

修撰升左中允甲申殉國難初謚文正定謚文

烈有劉文烈公集

陳皇士云考宋元以來狀元及第死者三人李黼泰不華李齊而明有五人靖難之時則有黃侍中觀土木之禍則有曹文忠輩北京之變則有劉公而浙東有余庶子煌江右有劉

中允同升先後皆死國事此亦科名人物之盛軼於前代者也

詩話劉公退朝賦騎碎入回寓舍書曰成仁取義孔孟所傳信公踐之吾何不然暨其妻妾並縊可謂不負科名矣詩多直抒胸臆不為體格

詩

錢塘江遇雨

微雨來江上濛濛曉未收故園千里隔客夢一身浮烏

白家家樹魚榔岸岸舟觀濤無不可須上幾重樓

明詩綜卷七十一

十一

吳麟徵 一首

麟徵字來皇號磊齋海鹽人天啓壬戌進士除

建昌府推官丁憂起補興化徵拜吏科給事中

歷都給事中升太嘗寺少卿京師陷自縊初謚

忠節定謚貞肅有集

詩話磊齋在八舍知無不言又明於當世之務不茹不吐奈與執政相

語不用其謀嘗與伯兄石匏書云朝廷之是非臧否無恒而所號為正

人專以門戶聲氣為事疆場事日益決裂安之若固然惟一人焦勞於

上而已又云近日用人倏更倏換當事全無確見惟覘上意所在其餘

議論紛紜封疆事所以日壞良可歎也又云宜興敗後大獄頻興士大夫

幾無生氣而言路更甚幸免風波然欲積誠以冀匡救之萬一則

長沙進逼泉州江浙震鄰吾鄉恐未能安枕天下事有不忍言者子姪

輩教以敦厚毋事浮文為善于鄉黨足矣其言一切中時弊臨終處

置家事各有條理從容不亂尤人情之所難能詩不甚敦琢其工者每

涉傷時存其二首古

人之言不在多也



送王昆華前輩使節歸省由楚入滇

益部占星信桐圭展萼親水滌湘畹碧山入點蒼新休  
沐西南里諮諏遠近人潘輿聞送喜日望使車塵

李于德云全首

清

走筆招友人飲

玄亭今在否竹馬舊過尋尚憶人如玉那禁雪滿簪平  
湖秋水闊板屋夜燈深莫更疎還往相看歲暮心

送葛無奇侍御按粵

刺桐花發粵山青一路爭看豸繡經迴鴈峰南望天北  
五雲長傍使臣星

汪偉一首

明詩綜卷十三

李

偉字叔度江寧籍休寧人崇禎戊辰進士除慈

谿知縣選授翰林簡討甲申三月死國難贈詹

事府詹事初謚文烈定謚文毅

旅次述懷

予役逢蕭序停鞍已夕春酒餘忘逆旅湖外憶高蹤挂  
壁留殘火披衣候曉鐘故園今漸近白岳有雲封

沈山子云大曆

十子遺響

吳甘來一首

甘來字節之瑞州新昌人崇禎戊辰進士授中

書舍人擢刑科給事中歷戶科都給事中甲申

死寇難初謚忠節定謚莊介



詩話思陵及社稷周文介欲哭竈官而後死莊介口然其言而少歸窮  
自縊時因哭殯官而受校辱者蓋不止丘輔一人是則莊介之識遠也  
甲申之變練垣歎一人或寬或辱或汙爲命死節者僅莊介一人假踐  
文介之言安知不與丘輔同其辱乎君子論異周兩公之死則先時者  
得矣  
丘矣

### 經彭澤

亦有東籬菊何人尚隱居夕陽催進艇殘夜擬焚魚物  
變看多異名高謫未除懷歸無長物猶有一牀書

許直一首

直字若魯如皋人崇禎甲戌進士除義烏知縣  
以母喪歸補惠來選授吏部主事歷員外甲申  
三月死國難贈太僕卿初謚忠節定謚忠愍

### 絕筆

明詩綜卷七十一

十三

投筆翻然辭世行老親幼子隔幽明丹心未雪生前恨  
青簡空留身後名

王章二首

章字漢臣武進人崇禎戊辰進士除諸暨知縣  
調鄞縣徵授工部主事選陝西道御史以憂歸  
服闋補河南道御史京城陷死之初謚忠烈定  
謚節愍有公餘草

詩話王公赴義最烈公餘草詩一卷序者以古光一片喻之是年御史  
盡節者三人公與鄞陳公良諫雲陵陳公純德也聞有昆明趙選字鎮  
所天啓甲子舉人除貴州龍泉知縣以禦土寇功行取擢四川道御史  
巡視中城城陷爲賊所械曠日大罵賊乃仗齊下殺於白帽衛衛其屍  
與王公相類而遠方乙科無人爲之請卹國史野  
紀闕焉僅見於陳氏兩朝遺詩小傳特附書之

### 聖駕閱城



秋色當樓滿崇闈奠帝居虎門橫雉堞鳳吹導龍輿峻  
坂雲臨近封泉地絡舒翠華迴輦處嵩舞遍丹除

讀書篁川偶詠

竹裏起茶烟白雲堆滿屋何處桔槔聲園丁灌花木

成德一首

德字元修懷柔籍霍州人崇禎辛未進士榜姓

張有旨復姓除知滋陽縣事被逮杖謫久而赦

還補如皋知縣入爲兵部主事轉員外郎甲申

殉國難贈大理寺卿初謚忠毅定謚介愍

詩話元修牽絲作令不善事上官爲守所揭巡按以貪酷聞被逮按臣  
及守溫輔私人也元修母張具本聲冤於朝隨溫輔有與詬罵溫輔恚  
甚言於思陵秋之午門前下錦衣衛獄發遣時留家人居順義城破衆  
爭匿地窖中元修父文柱曰豈可男女雜入一窟中乎賊至遂遇害

明詩綜卷七十二

十四

殊二妾皆自經及甲申就義母張暨一妹一妾  
亦俱縊焉絕句一首蓋謫戍日太行道中作也

絕句

出山已定盟心語作令須思遣戍時但卷琴書賦歸去

莫因狗祿乞身遲

金鈔一首

鈔字伯玉留守前衛籍武進人崇禎戊辰進士

選揚州府學教授入爲國子監博士升工部主

事尋改兵部甲申殉國難初謚忠節定謚忠潔

有集

詩話思陵之去闈黨無異拔山曾不數年命張彝總理戶工二部錢  
糧出帑全別建公廨俾諸司以屬吏之禮見金公再疏陳其不可謂以  
陛下迪簡之臣而令其罄折僂屨於刑餘之子不亦羞朝廷而辱當世  
之士邪思陵卒不允也中官借驗火器劾公落職公笑曰吾去官遠此



輩如脫蟻蝨垢膩之衣豈不愉快遂與諸弟講古文辭尤精劄易學壬午七月晦讀邵氏書題其後曰甲申之春定我進退進雖遇時外而弗內退若苦東遠而弗滯外止三時遠不卒歲優哉游哉庶畢吾世又語其弟曰吾平生寡所好視青官如揮涕唾今以巡城每過御河輒留連不能去何也卒沉於是從彭咸之所居公志蓋已先定矣

### 拜文信國祠下

復始自天運臣道無終窮殉節士所恒寧足矜子功偉  
哉一文士毅然任即戎棘行若履坦所在吟淒風一息  
苟可奮安忍即瘖聾九死固所甘但惜炎運終堪嗟生  
祭者不足語微衷

### 申佳胤

一首

佳胤字孔嘉永年人崇禎辛未進士除儀封知

縣擢吏部主事轉員外降南京國子監博士遷

### 明詩綜卷十二

五

大理寺副升太僕寺丞都城陷投井死初謚節

愍定謚端愍有君子亭集

詩話申公循吏治最中州及考牧近畿聞寇逼居庸郡縣望風奔潰或勸毋入都慷慨流涕曰固知京師不支如天子孤立何疾馳以入時三月十二日也徧謁大臣畫戰守策皆不省城陷自投王恭厥井中其詩娟秀不羈不浮近劉半勳一派

### 贈郭子

下榻留征騎燒燈共客吟萬金烽火信一夜故園心世  
事風塵老交情契闊深此行須鄭重兵氣滿山岑

### 王與睂

二首

與睂字永錫一字百斯濟南新城人崇禎戊辰

進士改庶吉士授湖廣道御史巡視河東鹽課

陝西茶馬應天學政引疾歸甲申四月聞京師



陷暨妻子登樓齊縊死有隴首集

陳伯璣云侍御以建言忤執政蕭然

歸里開難之日不以在野緩須臾之死即其短歎微吟已可知其嚴氣正性 紀伯紫云先生忠孝大節日月爭光詩集僅存猶足挾風霜而

鏗金石

詩話新城王氏科第最盛盡節死者亦最多崇禎五年吳橋兵變南趨時則保定同知象復暨其子舉人與慶死焉十五年城再破時則貢生與朋暨其子舉人熊生貢士雅死焉至是待御暨妻子孺人子士和又死焉王氏之門才甲一世矣

對鉗梅作

鄉思那可禁况復逢驛使念我欲歸時已結垂垂子

西羌雜詩

紇于山下少人過大將行師按突何袖裏尚餘三尺練

歸來生繫角斯羅

王士和一首

明詩綜卷七十一

十六

王士和字允協御史與眉子新城儒學生

詩話允協死不違親與孟忠信比烈其妻於崇禎壬午城破時先自經忠臣考子烈婦萃於一門尤難得也

絕命詞

痛余生之不辰兮天滅我之立王我父母一聞之兮涕滂沱以彷徨以身殉國難子維千古之臣綱嗟反面而事讎子方臣妾之未遑哀世溷濁兮四維不張大地無容身之隙子願隨我父母歸于帝鄉

許琰一首

琰字玉重長洲縣學生贈五經博士

詩話玉重青衿未受一命無必死之義而忠憤奮發始縊于家隨縊于福濟觀皆為入救解復投胥門城壕時潞王舟泊城下遙望見之亟命水夫掖起抵家聞家詔至宛轉悲號賦詩有一篇書生難殺賊願為厲鬼效微忠之句絕粒七日而歿先玉重死者北京布衣贈中書舍人湯



文壇開帝勛 珠山書衣帶云位非文丞相之位心則文丞相之心慷慨  
自投又聞金陵有丐者聞北京變擗膺大哭赴百川橋下死謝康樂詩  
所云本自江海人  
忠義感君子是也

妾薄命

妾本名家子 幼小受人憐 感君明珠贈 含羞意不前  
左手執書策 右手揮鳴絃 皎皎明月光 苦憶嘗纏綿  
恩情恨不久 韶華無盡年 忍作待嫁衣 甘為他人妍  
君故未相知 妾意殊不然 有聲當徹天 有淚當徹泉  
待醒深閨裏 風光寧久懸

王行儉 一首

行儉字質行 宜興人 崇禎丁丑進士 授南京戶部主事 歷郎中 出知荊州府 改重慶甲申六月

明詩錄卷七十三

十七

死寇難

詩話張獻忠奪佛圖關用火具攻重慶時漢中已破瑞王來奔關南道  
陳繼及隴右士大夫挈家從之城既陷賊俘巡撫陳士奇知巴縣事王  
錫登太守王公縛之演武場將殺之俄而雷電晦冥獻忠對天詔曰我  
殺人與天何涉架飛礮向天齊擊之既霽諸公皆遇害事載婁東沈苜  
紀略

軍中口號寄諸弟

重關烽火陣雲寒 回首鄉園道路難 忽憶高堂清淚落  
還將尺素報平安

沈雲祚 一首

雲祚字予凌 太倉人 崇禎庚辰進士 除華陽知縣 甲申死寇難 有侶郊居存橐

塗中悼亡



一水東歸百里津每逢風雨便傷神而今帷帳辭秦淑  
誰憶江邊行路人

尹 伸 三首

伸字子求宜賓人萬曆戊戌進士授承天推官  
入為兵部主事歷員外郎中出知西安府致仕  
起補陝西按察副使歷河南左布政使尋遷太  
嘗卿張獻忠陷成都被執罵賊見殺

得黔報寄示兩子

仕宦通黔籍時比於放流頃者因戎馬及名才見收我  
昨權出處曾慮當見投未即獲奔林已同鷹在韝衰年  
履瘴鄉病軀親戈矛中子不樂聞况使老妻憂惟余性  
頗達死生同一漚炙額兼噴鼻壯夫昔所羞苟能了二  
觀未必無一籌世法今頗解勉師老氏柔冠軍當辦戰  
都護或深謀聲靈仗英主小醜何足劉虔勤奉簡書功  
利不敢求畸人儻天幸為我營菟裘

敘南曲 二首

七星歷歷面烟鬢千佛巖頭翠岫班水合雙江波浪闊  
浮來增影是東山  
鎖江北渡入涪溪亂石叢篁路欲迷太史遺文殘碣上  
武侯荒廟夕陽西

孫士美 一首

士美字公榮松江華亭人天啓辛酉舉人知深



州事崇禎戊寅十一月州城被圍力盡死于官  
一門殉難者十有三人事聞贈太僕寺卿

守城作

鐵騎繞孤城烽煙勢未平君親本至性南北總關情地  
下難熏鼠原頭絕救兵一作此日魚書急何時鶴唳清寄言青史筆莫載罪

臣名

益王佐聖一首

除知遵義縣事崇禎壬午城破死于難有緘菴

詩鈔

詩話明季用人專掬資格吏部除日乙科多投之遠方如張公季修王公克冲劉公而強馮公櫻公殉節皆最烈豈惟佛名經中人始可入

明詩綜卷七十一

顯忠錄邪

幽蘭篇送黃子羽應召入京

芳蘭生空谷託根何孤清恥與羣卉伍修然挺素莖日  
月沐秀華雨露滋芳英一朝辭中阿以之植蓬瀛風姿  
益媚妙纫佩當瑶瓊允矣王者香不隨蕭艾榮

蘇瓊一首

瓊字赤友石埭人崇禎甲戌進士除知景州移  
瀘州張獻忠寇蜀死于難有青城先生詩略

淮陰釣臺

駐馬淮陰道王孫劇可憐已無諸母漂猶剩一臺偏試  
問藏弓日何如把釣年我來倍惆悵片石立寒煙



爾璵字介子崇德人崇禎癸未進士改庶吉士  
李自成陷京師從賊中脫歸依史可法軍死揚  
州之難有滋蘭堂初集聶許堂遺草

詩話先生間道潛行依史閣部軍中以身許國遇鄉人祝孝廉淵南還  
斷一指裏家書中遺其親誓某空返卒死於兵平居曾撰史臣傳目曰

仁書傳有小序各繫以古人口述身曰焚口炮烙曰炙曰自到曰不食  
曰閉口曰維經曰扼吭曰立橋曰沒陣曰觸曰墜曰鳩曰烹曰植醢曰

斃曰斬曰車裂曰磔曰鋸曰囊撲曰剝曰割曰拉曰杖曰笞曰鎗擊曰  
刺曰幽曰束曰瘡發背曰慟哭統論之曰諸死者或假手於人或憤激

自裁或罵賊畢命身死主寤者有之身死敵懼者有之身死家破者有  
之身死名榮者有之要與禽息焉視者遠矣其曰被犀甲操吳戈氣之

雄騰天河鶩廣野捐愛威志之決頭顱恤我心赤我血碧長城雖礫白  
虹貫日則先生自道也先生之死有故人殮其尸而寄棺於佛寺寺毀

於兵火棺亦燬焉其家兩所寄指葬之四  
明葛編修世振入之昭忠錄并銘其墓

我行其野 三章

明詩綜卷七十三

三

我行其野石田嶙峋荒原黯澹夏不見人黃埃接天有

狐伋佻陰風吹車慮掣其輪

相彼征駒尚求果腹嗟我人斯終朝無祿螟螣之生不

遺荏粟哀哉鴈戶載行載哭

我丁匪辰紛此百罹寇訑于郊僉曰撫之惟儉人是咨

俾大璫是司我行其野告哀以詩

秋風辭

秋風颯颯兮切素肌華林摧謝兮蛩螿啼綺席陳兮清

歌闌美人去兮何當還羽蓋飛兮龍媒乘發激楚兮簡

韶鳴采三秀兮餐玉英思緜邈兮遐征歲華荏苒兮何

時平

明詩綜卷七十二

小長蘆 朱森尊 錄

淮陰 楊開沈 續評

黃端伯

端伯字元公建昌新城人崇禎戊辰進士除寧

波推官改杭州歷禮部郎中南京既下死于市

有端光閣集

從軍行

從軍行

萬里長城 保切 人去秋色正茫茫日

今行 前途是不鄉

明詩綜卷七十二

主

狐仇仇陰 兒人黃埃接天有

相彼狂駒 餘朝無秋與臘之生不

道在采采芣芣 哭

我日匪辰紛此百羅 詩子初念口德之惟於人是杏

伴大端是司我行其野 詩

秋風辭

秋風颯颯子切索肌華林摧謝子登登寄寄寒來子清

我歸美人子何嘗運羽益飛兮龍媒未發激楚兮蘭

蘭離 義卷去十二玉英思絲遊子遊征歲華在符子何



明詩綜卷七十三

小長蘆 朱彝尊 錄

淮陰 楊開沅 緝評

黃端伯 五首

端伯字元公建昌新城人崇禎戊辰進士除寧波推官改杭州歷禮部郎中南京既下死于市

有瑤光閣集

靜志居詩話元公近體瀏亮雖注意逃禪都無疏宕之氣絕命辭云欲識分身處刀山是道場靈運可以作佛矣

從軍行 二首

萬里長城北蕭條百草荒風沙吹不去秋色正茫茫日冷行空壘天低壓戰場別來一回首何處是家鄉

明詩綜卷七十三

遼落蕭關外陰風萬馬肥至今勞北顧何敢念東歸刈戍傳金柝寒沙卧鐵衣戰場春不到白雪作花飛

山陰道中

夙昔流觴地回溪曲曲盤遙憐沙月迥漸覺海天寬暮色橫烟暝春陰閣雨寒自耽泉石趣無夢到長安

建德道中

青天霜氣迴匹馬立平沙遠道風千里寒城月萬家亂山盤徑險深樹引堤斜夙昔悲秋意偏於作客賒

夜泊龍湖登仙居閣

閣夜鳴風迅江天度月寒石林幽獨到沙路暝相看倒樹斜懸壁驚濤急下灘長懷仙境勝便欲棄儒官



徐汧一首

汧字九一長洲人崇禎戊辰進士改庶吉士授  
簡討歷贊善諭德庶子升少詹事家居投水死

三月十九日

珍饌精鏐賜講筵每逢令節主恩偏十章書未陳金鑑  
九逝魂猶戀細旃社稷風雲誰奏曲園陵霜露已經年  
龍髯回睇橋山遠玉匣珠襦不忍傳

顧咸建一首

咸建字漢石崑山人崇禎癸未進士除錢塘知  
縣死于官

詠落葉

明詩綜卷十三

二

杖策滄江思不禁乍逢搖落一驚心迎風野鳥當枝坐  
泣雨寒蛩抱葉吟埽徑空餘千樹曉卷簾獨對萬峰陰  
幽居一夜聽蕭瑟片片隨流不到林

陸培一首

培字鯤庭仁和人崇禎庚辰進士除行人家居

死難

詩話大行風概自持卒蹈桐陽之節曩與陳公未明以文社不相能大  
行既就義陳公亦赴越江以死曰吾生何面目見鯤庭於地下今兩公  
並祀忠烈祠

絕命詩

誰謂朝廷一命輕行人使節本皇明春秋官敘諸侯上  
闡禮班從司馬名雍國尚慙收采石荆胥無計泣秦兵



蕩陰徒有滌衣血烈帝孤臣恨未平

祁彪佳 一首

彪佳字幼文紹興山陰人天啓壬戌進士除興化府推官選授福建道御史巡按蘇松改南京畿道以大理寺丞轉巡撫應天都御史謝病歸乙酉閏月自投寓園池中死

詩話祁公美風采夫人商亦有令儀閨門唱隨鄉黨有金童玉女之目其司理莆陽也虞閩人語近侏離預遣人潛往買一鹿婢詢其鄉音及升廳事胥吏多操土語侮公佯不知淡旬後按籍遍名在官人至一聲其罪眾驚以為神迨入為臺諫即進封事略云凡文武內外大小諸臣必使之安其位而後各盡其心邇來六卿九列之長詰責時間引罪日見因而周章急遽救過不遑竊恐當事諸臣悚於嚴旨冀以迎合揣摩善保名位臣所慮於大臣者此也人材中下參半藉上感發其忠義鼓舞以功名司道有司或欽察之累困人或錢穀之輸未足降級住俸什居二三必至苟且文吾急功赴名之心不勝其掩罪匿瑕之念臣所慮於羣臣者此也陛下聞鼙鼓擊而思將帥之臣僅得真英雄即推轂設壇夫豈為過一或獎拔之術未盡則冒濫之實將萌臣所慮於武臣者此也陛下深懲惰窳特遣內臣撫按之事多令監視正恐同罪同功反使互蒙互蔽開水火之端其惠顯陟交結之漸其患深臣所慮於內臣者此也其言切中思陵時弊故其後亡國卒由此數端云公嘗治別業于富山極林壑之勝乙酉閏月六日坐園中題其案曰圖功為其難潔身為其易吾為其易者聊存潔身志含笑入九泉浩然留天地又書曰已治棺寄戴山戒珠寺可取以斂我是夜兒子鴻孫侍側夜分不寐公第曰君子之愛人也以德德鴻孫孫係懸几步至放生碣下投水味旦猶整巾帶立水中子理孫班孫葬之園

有舍池館為寺塑公像于堂至今存焉

豐登壯

為愛農家樂莊居築圃場秧鉞霑雨足稻子過風香北郭依桑樹東皋接藕塘主人多種秫春酒足壺觴

劉宗周 二首

宗周字啓東紹興山陰人萬曆辛丑進士授行人遷禮部主事歷光祿寺丞尚寶少卿太僕少

鄉引疾歸尋補右通政削籍起順天府尹再引疾歸起工部左侍郎以左都御史掌都察院事

乙酉六月不食死有戢山詩集

詩話先生家居恒服翫花布衣士大夫爭效之布爲長價吳江趙士諤知會稽縣事嘗問先生疾造榻前出而歎曰豈意今日得觀管幼安萬曆丁巳京察議及先生士諤時爲考功郎爭曰劉大行之清修人所不堪此士諤之所親見者乃止吾鄉吳太嘗磊齋於天啓壬戌登第之前夢一隱者誦文信國山河破碎風漂絮身世浮沉雨打萍之句問其姓名曰劉宗周也太嘗不省時念臺先生以儀曹郎知貢舉相見驚訝其後文契靡聞甲申之變太嘗死之逾年先生里居絕粒旬有四日而終遺詩云信國不可爲偷生豈能久予嘗造先生處堂不過十笏京兆干游尚存思陵曾賜勅云蔬食菜羹三月不知肉味敵車贏馬廿年猶是書生先生當之信可無忤

出通州用友人韻

策蹇何所之遭時亦云厄一步一回首四郊營壘迫大道宜如矢青天萬古闢從此遂已而身後令人惜

明詩綜卷七十三

四

酬別長安故人

弱柳千章鎖鳳樓春風送客不勝愁杜門重憶十年病束髮誰先天下憂銷鑠壯心吾自老徬徨岐路子何求却教空谷傳驪唱落日浮雲滿帝州

温璜一首

璜初名以介字于石烏程人崇禎癸未進士除徽州府推官乙酉六月死于官有貞石堂集

詩話温公少孤母陸孺人鞠之破屋一間無帷帳姑沈病且餓同坐卧一板箱種火煨粥以爲食教其子讀書姑卒孺人家毀如于天啓七年公請于有司聞于朝詔旌其節孝又一十八年而公成進士年六十矣司李徽州聞國難恒引佩刀歎曰此身當付汝及城破先殺其女寶德次殺妻孥妻女皆延頸就死乃自刎公初名以介注名復社第一集不以死在相位見擯于清流後禱夢於于忠肅祠夢忠肅語之公于不當名以介宜更曰璜遂更焉陸孺人著有家訓行於世



寄友

靈隱峰前手暫攜，千章新綠子規啼。  
眼邊流水春重到，別後停雲思幾迷。  
俯聽露珠傳點畫，驚聞藥裏急刀圭。  
殷勤簡付遺方法，茹澹安緣緩杖藜。

左懋第一首

懋第字仲及，萊陽人。崇禎辛未進士，除澄城知縣。選授戶科給事中，歷刑禮兵三科，升太嘗少卿。巡撫都御史，以兵部右侍郎兼都御史督師。

河北充通問使不屈誅

詩話左公將北行，貼書姜給事採大略謂國遭大故，二東不聞有斷頭穴胸以報故者，若彼鄒魯仁義之稱，安在懋第此行是懋第死日也。既入燕卒，以閏月十九日死于市。新城王尚書士禎池北偶談云：公母徐寧海儒家女，甲申京城陷，從子懋第載以歸，行至白溝河，仰天歎曰：嗚呼！此張叔夜絕吭處也。呼懋第前，責以不能死國，且曰：吾婦人身受國恩，不能草間偷活，寄語懋第勉之，勿以我為念。言訖而死。蓋出都不食已數日矣。是母是子，前史亦不多見。

明詩綜卷七十三

五

道上

歸鴻昨夜過紅葉，見秋深念我籬邊菊。思君石上琴，舍車眺水色，倚樹聽風音。舊業荒東海，悠悠此際心。

徐石麒十五首

石麒字寶摩，青浦籍。嘉興人。天啓壬戌進士，除工部主事，削籍崇禎初，起補南禮部，尋改吏部。升南尚寶卿，應天府丞，歷吏部尚書，有可經堂集。

集

詩話家宰歸田之日，築堂于郡，榜曰可經。人不解其故，及乙酉城破，國公度必不能守，步自東門入城，破自經于堂。始信公之就義立志已久。

蓋與昔賢止水之意胞合焉古古今詩俱新警不作規  
樞蹈襲之語鍾嶸詩品以落花依草喻丘遲公實似之

贈同鄉朱六符

予本同圃蒿飄在天一端咫尺紛與梓邈若霄漢間翔  
鳥憩前林猛虎戀故山傷茲遠游客中夜積悲歎忽遇  
故鄉友驚喜相盤桓把臂問舊事耆舊半摧殘憂根長  
愁條淚下如奔湍樽酒非不旨安能起沉歡幸君到故  
園爲我傳平安

憩古墓作

郊游無名山荒丘且踏履古木旣叢叢豐草亦靡靡隔  
葉隱幽禽清音啼不已石馬被文羈翁仲夾而侍不能  
驅牛羊朝暮齧其址此中陳死人井椁安足恃所以楊

王孫裸身無乃是

明詩歸卷七十三

六

送錢車駕左遷歸里

依依鍾山雲坦坦石城道驅車出龍關送我昔所好舟  
子且停橈聽我歌草草巧仕有別才置身青雲表夫子  
天下士紉佩祇蘭藻忽失上官意飛章注下考粲粲當  
塗子片言由意造散宜策獻姝季路曾請禱奈何堅弗  
應深文任顛倒平生久要者棄置迹如掃豈曰無蹇修  
洵美非吾寶長嘯歸去來形容豈枯槁君家錫山下門  
逕鬱羅薦雲乳發列泉雪花散香稻潔白養高堂此樂  
詎可討臨別重躊躇申言豁懷抱

謝劉太史湛陸惠詩



予曾過大梁臨風懷伊摯秉耒耕莘疇遠抱唐虞志一  
民不時雍內溝發深思此道久已陳夫子願躬試文行  
動至尊頭龍親簡置既窮太乙奇復發鴻寶祕早晚宜  
相麻天下乃得治麒也詰歲人所受盈其器承乏白雲  
省爰書失聖意投荒分所宜而况僅播棄譬如累碁者  
累高勢自墜烽火滿近郊逐臣正遷次感君懷芍藥題  
扇以相遺奄然蓬蒿人儼若佩華璫此情何可酬此念  
何可寘頓令松柏心白首欲自刺

臨鏡

攬鏡照病顏不知鏡裏誰似鬼有微息似人無雙頤似  
容貌何似是我何其羸展轉不能視掩鏡還自悲頭顱  
今如此百年寧所期安仁三十二玄鬢已成絲而况三  
十三於潘更長之江南多早衰昔人已如茲假令彭與  
錢臨歿等殤兒夭壽何足異尻輪惟所宜昔人有明訓  
樂天復奚疑

明詩歸卷七十三

七

苦寒行在句曲道上

天寒敝絮僵如鐵車輪乍轉車聲咽歷過千山萬山雲  
時飄三點五點雪皮膚縮毛髮張蹇驢蹄滑愁道長  
暮烟一點青句曲鞭梢遙指此中宿

明月行懷王大基生

今年月是去年月去年人作今年別去年對月兩相將  
今年對月腸斷絕腸斷絕子起徬徨中庭重露如凝霜

綠錢盈階時草芳縈子懷予不能忘丈夫骭髀寧有淚  
已覺簌簌沾衣裳歲如馳予不我與望美人予天一方  
俾天歌子夜將旦明月黯黯予沉垂楊

曉發新州

江抱新州碧沙仍舊日黃難期晴雨色莫辨水雲光逆  
旅便風俗征人漸老蒼平生我任達久矣破行藏

次團江

下馬團風許烏林舊戰場楚弓沙月白吳壘戍雲黃鑑  
影涵天遠襟流東地長江聲疑有恨如欲訴興亡

黃州晚泊

赤壁雲初暝烏林日漸紅波搖兩岸火人語隔江風夢

明詩綜卷七十三

八

鶴捎天路然犀逼水宮天寒游子意清夜月明中

望匡廬

突兀此何處匡君廬亘天黛浮五老壁青入九江船慧  
遠林中寺康王谷口泉苻生今已老誰與買山錢

過安慶

百戰舒州地英雄久寂寥尋陽懸暮色滄海落歸潮楚  
竹然魚子汀蘆宿雁察金陵行且近不斷瑞烟飄

池口有懷

黃鶴池邊鶴金雞石上雞乘雲千載去落月幾回啼不  
見仙人跡空傳過客題蕭條暮江上腸斷楚天低

次蕪湖



倚擢鳩茲邑山光雜水氣估檣蟠郭遠市語隔江聞烟  
氣凝爲霧歌風散入雲古來佳麗地無日不紛紛

夜發靜海抵直沽

禾黍高低弄夕曛檣燈零亂破黃昏樹蒸夜氣三分雨  
帆裹秋烟一葉雲靜海金鉦鳴古戍直沽牙閫駐新軍  
援遼已竭東南力何日辰韓報策勛

張 翊一首

翊字叔韓秀水縣學生城破整中欄南向正席  
坐兵以刃臨之罵不已遂遇害

鶴夢

百禽正嘈雜此鶴獨孤眠奮翮豈無俟藏神亦偶然庭

明詩綜卷七十一

九

中人寂寂松下月娟娟知入寥天去縵山何處邊

項嘉謨一首

嘉謨字向彤一字君禹秀水人有讀選堂詞賦

集

譚梁生云向彤阮仲容詩  
幼輿一流詩篇都雅簡勝

詩話向彤投筆遠游渡河出塞尋入闕登武臣曹能始錄其詩入十二  
代詩選乙酉閏六月城破東平生所著詩賦于懷投天星湖死于翼妾  
侯從焉向彤墨林之孫賦性飄蕩不羈不歲產落歲辛巳年飢糧絕從  
父以五斗米貽之妾張爲執爨知向彤不甘滯泊以二升米易乾魚進  
飯向彤怒曰乾魚豈可下箸邪復以米三升易羹雞乃飯于家與向彤  
鄰窟婦道之以爲笑謂是君展子弟粟果少年而視死如歸可敬也已

晚次蕪溪

人家遠見女牆頭客到城邊盡繫舟薄暮寒蟬聲未歇  
心隨楊柳送殘秋

錢應金 三首

應金字而介一字仙上嘉興縣學生城破走村  
居游兵掠郊野見其髮未開剃遂見殺有古處  
堂集

詩話而介雅以詩詞  
名而今存者無幾

圮閣贈周幼文

謾謾山上松磊磊澗中石託根非不深所貴在貞白  
華志養親陟圮怨行役懷古徒悠悠瞻毋時脈脈綺疏  
闢南楹抗言恣墳索曲鍼不受磁腐草不受珀水霜歲  
云晏至理在琴冊

沈甫受蝶花居秋色詩

沈郎八詠世爭誇草色庭中不讓花秋氣逼人清入夢

明詩綜卷七十三

十

夢騎蝴蝶到君家

邗溝

烟荒月淡古邗溝淮水遙連江水流六代繁華餘腐草  
至今螢火照揚州

侯炯曾 二首

炯曾字豫瞻蘇州嘉定人天啓乙丑進士除南  
兵部主事調吏部歷郎中出爲江西提學副使  
轉廣東右參政調嘉湖道升順天府丞歷左通  
政使乙酉秋縣城破赴水死

詩話萊陽宋公繼登備兵嘉湖夜有白猿竊其衣冠服之搥鼓升廳事  
時海寧朱秀才林留公幕中猿入臥室披其帷秀才大愾公命隸卒環  
守而猿之往來如故也于童子日偕諸昆弟行精嚴寺街人爭聚觀謂  
猿方坐鍾樓啖果子審視獨未之觀其後納言至止猿乃潛蹤又嘗點



時敏知海寧縣事夜草受書有女子侍側磨墨問從何來曰鬼也敏駭  
懼給事中代之者候官林奎鬼自是不復至候公林令俱忠臣以此知  
邪不勝正  
理有然者

### 晚行餘杭山中

解鞍一散步羣峰亂將夕浮嵐暮遙青喬柯拂深碧須  
史落霞散銀紫紛狼籍尋蹊得絕澗驚深互歎射有如  
翠蛟舞飛下三千尺一步一回顧已覺耳目易此景宜  
急追一失難再獲

### 送表弟楊維斗解元上公車

赴隴徵書有曠恩仍偕計吏謁金門時危漸覺科名薄  
道在還知禮樂尊老子甲兵今孰仗嗣宗臧否不輕論  
冰霜歲晚孤征夜襍被應知手綫溫

### 侯玄演

二首

明詩綜卷十三

十一

### 玄演字幾道通政峒曾子

### 雜詩

道喪向千載百家日浸淫如彼鏗磬歇逐響遺其音元  
宰何微茫悠悠費追尋世皆尚彫飾未敢明此心微言  
會將絕太息空撫襟

### 和新柳詞

秦淮雪凜緩春晴十里烟堤綠未明早是酒旗歌板地  
隔江風浪卷蕪城

### 侯玄潔

二首

玄潔字雲俱亦通政峒曾子

癸未九日寓崑山

肺病經三月秋深寄古祠近山寒更早多雨菊翻遲漸  
減文章樂能忘寇盜悲今朝無客至今節竟誰知

示智合

天王十五年來事孤客三千里外人望闕尚留年少哭  
哀時偏見異鄉春坐愁南郡征輪日行過江黃戰伐塵  
直北大荒空草木春風生事又黃巾

黃淳耀

十二首

淳耀初名金耀字蘊生蘇州嘉定人崇禎癸未  
進士乙酉家居城破自縊有陶菴詩集

明詩綜卷七十三

十二

詩話陶菴精於書義融會九經諸史審擇而出之當崇禎之季方以黜  
兩相尚不知者以為陳言予叔父芾園先生獨賞心擊節盡以其彙按  
予讀之久之而漸有稱焉者如雅頌得所樂有堂上堂下之分又孔子  
未嘗刪詩伯繇未嘗誅死皆至當之論乃邇來選家以其未盡合乎朱  
子之集注章句痛加塗抹是何異於下士之聞道  
乎詩亦堅厚無矯響由不惑於楚人之咻然也

和陶飲酒

朝光入山樓棲鳥已驚喧攬裘暴新陽暖氣無頗偏仰  
視天宇清得我檐前山山中出岫雲變滅何時還我心  
正憫悵默與風鈴言

和癸卯歲始春

舊穀滿場圃知子良非貧糟牀注春醪酬汝四體勤開  
軒一笑粲莫適為主人薜牙花乳香鱸縷銀絲新咄嗟  
行酒炙童僕皆欣欣中原有格鬪行子勞問津不能濟  
時代甘與農圃鄰逝辭謝景夷來就劉遺民



和乙巳歲三月

西庵有佳花首春烟霧積良游阻塵鞅耿耿懷在昔野  
寺流晨鐘雲林矯風翻湖山光皎鏡千里如不隔之子  
天機深平吟謝形役一持金石韻如與清賞易幽棕方  
情劬况復暫離析寄言山中人參取庭前柏

和歸田園居

家無環堵宮所至思買山何異俟河清入壽期千年安  
得如古人采山復臨淵敬受十賚文賚以北阪田巖棲  
高百層老屋餘三間湖江流東西竹木榮後前中央置  
講堂文史浩如烟歌風復蹈雅樂志忘華顛此意恐蹉  
跎飛光去閑閑畫餅不可食詼諧聊復然

和擬古

三首

明詩綜卷七十三

三

亭亭采桑女清光映城隅羅衣出纖手皎若春萸舒芳  
風何飄飄薄暮歸重廬行子皆歎息願言與之居空簾  
隔星漢白露委薜蘿淵意不可道蹇修定何如

步上姑胥臺恣風來大荒古墳何噉曉下有黃金堂寶  
衣化寒灰月露浩茫茫前朝割據時復作繁華場侯王  
及厮役聚斂歸北邙感此拔劍舞青山爲低昂秉燭方  
視夜歎忽明東方我非好名人亦起羊公傷

弱年見承平自謂長如茲一從更事來世已非前時雕  
虎橫井陘黃流混滙淄杖劍出門去行行復狐疑路逢  
季主儔問彼龜策辭龜策不我告龜勉自研思仁義心



所安皇天吾不欺瀉水置平地東西任所之撫琴操倚  
蘭亂之以俛詩

野人 二首

野人歎息年歲惡池中掘井井底涸飛蝗引子來蔽天  
辛苦將身事田作朝廷加派時時有哭訴官司但搖手  
歸逢吏胥狹路邊軟裘快馬行索錢

野人歎息朝無人朝中朋黨如魚鱗十官名對九官默  
篋中腰下皆黃銀不知何人理陰陽頻年日食四海荒  
我欲上書詆朝士又恐人呼妄男子

虞山喫虎肉作

猛虎入山山氣惡腥風倒射巖石落兩三邨眈不識虎

明詩綜卷十三

古

謂是旄牛未生角扼虎之吭擊虎尾虎驚不及施牙背  
東海無煩赤刀制南山已報白額死老夫羈旅春盤空  
短衣匹馬行山中坐分羹臙飽欲死拔劍四顧吾何功  
邨眈邨眈莫倉卒儒冠爲爾頻衝髮人間真有猛於虎  
勸爾拔身辭虎窟

次韻酬別張子石

百丈牽江一線平勞君客裏念歸程即看去住誰能料  
可是分離莫漫輕白鳥背飛星子驛朱旗遙馳石頭城  
船牕日把詩篇坐香草含風處處生

張貞白有離世之志作別廬舍詩見示余及其意

留之



瓜廬小結在塘坳城市儵然即遠郊谷為愚公寧避辱  
亭因楊子不辭嘲鳴蜩秋盡猶綠砌舞燕春深亦認巢  
莫愛雲松棲絕壁山中依舊要誅茅

龔用圓

一首

用圓字智淵蘇州嘉定人天啓辛酉舉人嘉興

儒學教諭

侯雍瞻云先生司鐸嘉禾先伯兄方應備兵之命俾攝郡司馬事寇盜屏息迨聞南都不守挂冠歸里城破兄

弟赴水家人入城蹤跡之於大柳樹下有二尸相抱持其一肘間懷甲則先生兄弟也邈哉先生千古為烈矣顧端木云膠城既破龔博士智淵與兄用廣弟用厚猶子元韶元朋元增及聞傳殉節者五人先生苦心學殖篇章頗富惜散佚不傳

湖上遇同年朱子暇

一見相攜話舊遊湖光汎汎斷橋頭寒烟迷却西泠路  
還向當壚問酒樓

明詩綜卷七十三

十五

馬元調

七首

元調字異父上海儒學生僑居嘉定人稱簡堂  
先生

從師遊棲霞寺

吾昔遊棲霞同人催北渡未識山中僧那辨山下路巖  
澗迷東西欲記恒恐誤先生理舊游小子愜所慕

黃毓祺

二首

毓祺字介子江陰學生有大愚老人遺集

画竹引贈朱白民

長風從天來吹我魂飛飛飛上謁天帝扉天帝問我  
何所欲不願為人願為竹帝笑黃生無乃太癡竹有何



好而爾願之我不願截為竿大魚小魚慘不歡我不願  
截為杖化龍君山之湖上我不願截為簫鳳子鳳子不  
可招我亦不願娥皇女英哀哀攀我泣重瞳馭遙叫不  
得朱白民朱白民願伊為我一寫真貌我形似兼精神  
所以願為竹不願復為人

不寐憶元兄南行

暗風吹雨夜蕭森布被繩牀冷不禁老別匪徒三日惡  
淡交奚止十年深案頭飢鼠縱橫出階下寒蛩斷續吟  
遙憶孤舟蘆荻岸有誰同我此時心

夏允彝二首

允彝字彞仲號瓊公嘉善籍松江華亭人崇禎

明詩綜卷十三

十六

丁丑進士除長樂知縣以吏部行取補考功主  
事旋歸里乙酉南京下自投池水死

詩話彞社六子瓊公以經義見長詩非專尚然其撰長樂志境有孝子  
節婦必賦詩以旌之集中樂府未嘗不合古人也野史述瓊公授命在  
乙酉五月第集有練川五哀詩按練川城潰乃是年七  
月五日瓊公尚存則止水之投當是松江失守之日爾

襄陽踏銅鞮

辛苦襄陽女織練還織素練成身上衣素作風帆布

黃進士溥耀哀詩

黃子不偶生大雅寡諧俗羽儀乍高翥結綬匪所欲黃  
雲暗蒼梧北風號大陸烽火滿吳關下邑勢彌蹙緬彼  
二三子登陴自躑躅城郢旣已乖號秦又誰告處死良  
獨難苟生何能淑吁嗟烈士心伯仲互相勗威鳳旣在



羅恥與凡禽逐未知沒者悲但見存者辱存沒兩茫茫  
思君不可贖

睦明永一首

明永字萬年丹陽人崇禎壬午舉人選授華亭

儒學教諭乙酉八月三日松江城破自經不死

無辭投泮水被執不屈見殺有世經堂彙

半臨江觀古意即今樓

煬帝飛樓屆紫霄檻拍長江接海潮三千殿脚南巡汴

百萬舟師東下遼晉陽戈甲從天起仁壽宮中泉作醴

檻外楊花依舊飛千里桑田隔江水

顧咸受一首

明詩綜卷十三

咸受字幼疏崑山人天啓甲子舉人縣城破死

謝水對于難

日蕩落葉

天半淒清鴈字斜箇人無賴小牕紗三分秋色三分雨

半似霜容半似花忽送離愁迷曲徑暗隨幽夢度平沙

無情最是堪腸斷不爲蕭條惜物華

梁于涖一首

于涖字飲光江都人崇禎癸未進士除萬安知

縣陣沒

竹西亭

茱萸灣水渙渙上有孤亭峙高岸而今冷落荒烟斷遊

不來蒼鼠竄問竹西人不辨惟有隴上舊耕夫五十  
年前說曾見

麻三衡 二首

三衡字孟璿宣城人選貢生屯師姑山兵潰被

執死于市

詩話孟璿注名復社遺賦無衣陳安未克生還後贖已得死所詩如落  
日照荒野亡依懷故林魂銷分劍口心折覆巢時草闌新寒入江柳落  
雁多一身去鄉土雙淚滿滄洲吳兒望歲唯呼雨楚客憂生盡憶家夢  
回塞上雙流派家在淮南獨倚樓萬山茅屋白雲滿十里白溪紅葉飛  
殊自起

趙朗朗

贈錢聖月

不寐成搔首蕭然獨寤歌霜天砧響急庭樹雨聲多酒

力三更緩愁心萬緒過錢郎戀明主獻賦意如何

春興

二月新雨歇春流始到門叢筠連晝暝新燕掠波翻山

靜鹿無迹林香風滿園中原多轉戰幾處欲招魂

沈壽堯 一首

壽堯字景山宣城縣學生死于難

即事

幽棲如久客日暮起啼烏橋實寒猶在梅花凍欲無聞

鐘山寺遠聽雪夜燈孤賴有牀頭酒長吟可不沾

王養正 一首

養正字聖功泗州人崇禎戊辰進士除海鹽知

縣以憂歸補秀水謫河南按察司簡較升襄陽

知府

知府

知府



推官入爲刑部主事歷員外郎出知南康府遷  
江西按察副使建昌既下繫至武昌遇害有漫  
吟等集

對菊

仙人授錦囊中有百年草本是駐顏丹人間不知寶

金聲一首

聲字子駿嘉魚籍休寧人崇禎戊辰進士改庶

吉士以山東道御史參軍務升山東按察僉事

復起修撰有集

送雲莊師至吳門

斯文未墜地夫子獨栖遲論易真傳在從先與俗移片

明詩綜卷七十三

十九

雲常自遠孤鶴去何之別後時相憶雲山不可知

吳應箕 六首

應箕字次尾貴池人縣學生乙酉死于難有樓

山堂前後集

張爾公云樓山人文似陳龍川詩  
百類屈正則可以飛擊霜泣鬼神

詩話先生羅九經二十一史于胸中洞悉古今與亡順逆之迹當崇禎  
中預慮燕都之必不能守聞者皆笑其迂而先生持論侃侃不阿也名  
雖不登朝籍而人材之邪正國事之得失瞭如指掌撰有蕙朝忠節錄  
二卷兩朝剝復錄十卷留都見聞錄三卷東林本末六卷續觚不觚錄  
似陳同甫是誠知言聞先生授命處而迹至今猶存洗之不去袁弘德  
紹而後不  
多得也

歡聞曲

歡欲聞儂歌儂意忽不樂寧使歌未終不忍歡淚落

練鄉勇



舊營非無兵府亦役健壯何如更選士不戰使敵創我  
聞逐賊師老弱置轉餉馳騁梁楚交賊來不敢抗過掠  
虐貧民氣驕陵主將官兵終驛騷鄉勇新跌宕古人驅  
市人披靡隨所向今匪素拊拊信以死長上里胥日催  
督閭閻相耀誑兵怒不可邇塗膏飭資仗區區賦幾何  
歲亦五千兩

悼吳門文相國

相國信公喬大庭遭遇同金閨十五載凜冽標清風一  
朝遘爰立身通道反窮時方工謠詠安能久置公去國  
懷明聖憂心日忡忡黯淡吳閭邑淒涼象緯中斯人不  
可作世已摧華嵩

何以

明詩綜卷十三

二十

何以使兵消莫如加派輟何以使賊平莫如官兵撤不  
見十年來請兵日不絕兵多賊亦多未見一賊滅賊去  
兵肆掠賊來兵不截撫軍飭啞聾鎮帥類蹙躡塘報習  
爲欺上下徒牽掣終年庚癸呼竭盡民膏血我皇至神  
武羣臣亦憂愒事勢久凌遲相戒有卷舌雖我懷區區  
天遠何能說

蘇州行

鱗諸要離死已久墓旁宿草兼衰柳斯民三代直道存  
肯使端人畀虎口諸生大哭軍門前百姓呼號奮徒手  
須臾緹騎鳥獸奔天子之詔吾何有爾時官長汗浹背



縲臣夜半單舸走民間詭言屠一城聖人憫亂殲渠首  
嗚呼天下幾蘇州藁葬五人名不朽

耕田苦

耕田苦耕田苦插秧三月今無雨吳中水利半人工十  
里九見翻車舞一車灌田畝二三一車用力人六五水  
田高下不相及置車銜接凡數部盡日戽水水盈寸南  
風復吹作乾土戮力安知晝還夜赤體相對子與父下  
濕上炎背欲裂前呼後和聲邪許東南歲輸四百萬那  
知粒粒出脛股桔槔幸有古人師不然滿原成薄齒嗚  
呼耕田之苦難比數有苦不聞動官府中原鋤耰化為  
兵下邑催徵尚如虎

甲詩綜卷七十三

三

胡甲桂一首

甲桂字秋卿崑山人崇禎己卯副榜除南昌通  
判遷永州同知以道梗未赴改廣信城破被執  
不屈幽之別所自經死

夜泊常山

淙淙灘響上舟遲到面山容未即移更喜月明迎短檝  
吳吟細聽隔船詞

祝淵二首

淵字開美海寧人崇禎癸酉舉人有月隱先生

遺豪

詩話崇禎壬午先生伏闕申救劉公宗周時未識劉公也及公罷歸始  
著錄稱弟子附舟陸還已而縱騎連入詔禁寇逼京師有詔赦出者城

陷太嘗御吳公麟徵殉之先生視念殮謀其喪歸塗遇吳吉士爾踵嚙  
一指寄其家先生為攜歸留都既下先生葬其母尋自經死會劉公絕  
粒公弟子王毓善自投柳橋下遺書于公謂慎  
無為王炎午所笑師弟之死蓋不出三句也

西湖月夜 二首

落月鱗鱗水面浮  
露華濃滴桂叢秋  
不知何處鳴柔櫓  
驚起一雙雪色鷗

佛火漁燈漸寂寥  
推篷起坐已中宵  
夜來極浦灘聲急  
知入西泠第幾橋

李待問 一首

待問字存我松江華亭人  
崇禎癸未進士乙酉  
對天誓八月保松江城中流矢死

故人卧子招飲卧龍山蓬萊閣

明詩綜卷七十三

三

故人留贖少酒坐亦從容俯視湖  
一曲不知花幾重  
澄煙天鏡水哀壑  
禹陵松身在蓬萊閣千巖第一峰

明詩綜卷七十三

故人西公復與林

故人西公復與林

故人西公復與林

故人西公復與林

故人西公復與林

故人西公復與林

故人西公復與林



明詩綜卷七十四

小長蘆 朱彝尊 錄

海昌 馬翌贊 緝評

黃道周 一首

道周字幼玄一字螭若漳州鎮海衛人天啓壬戌進士改庶吉士授編修歷中允以言事鐫級俄落職尋起官以諭德掌司經局再遷少詹事協理府事與經筵講隨謫江西布政司都事逮至京廷杖下詔獄遣戍福藩稱制進禮部尚書南京既下猶督師出婺源師潰執繫故尚膳監不屈丙戌二月死于市有大滌函書浩然咏

明詩綜卷七十四

靜志居詩話詞臣無言青居元谷元譽之地需次待遷而已迨石齋先生入翰苑與上虞同年倪貞白俱自任天下之重崇正去邪盡忠補過引裾折檻九死不回先生詩所云親從霹靂推車過又得滄沈自在春蓋實錄也及退而講學於杭則大滌洞天於閩則蓬萊峽少長咸集遐邇具來監史主賓琴瑟鐘磬庶幾濂雍之道風焉先生機象之學辭義深奧後生或昧其指歸詩才亦未免踳駁要其光敏不啻萬文也曲周路皓月過銅山乎先生詩云道德公自重文章公自深若夫軍旅事似非公所任用遠其才此百世所惋惜者

西湖忠烈祠迎送神曲

雷鼓闐子龍在野雲離披子龍血下龍上天子星無光  
 椒糈媮子蘭不芳靈之集子四國鴻八蹄子驕九翼凌  
 滄澥子拍白日踰徂征子何不得息歸休子此堂水周  
 子中央寒雞菹子萑蒲羅百珍子瓊漿駿素虬子駢文  
 鶩柁靈車子紮靈馬執靈祛子淚盈把珮琚子灑灑晝  
 不足子宜宵夜維舟子鏤筵新夫君子王正年靈參差

子無後先澹看鬚子馭青天靈何爲子中悃悃

素繼咸 二首

繼咸字季通宜春人夫啓乙丑進士除行人選

授廣東道御史謫行人司副升禮部主事由員

外郎出爲按察僉事累官兵部右侍郎兼副都

御史總督九江軍務有六柳堂遺集

張爾公云臨侯曾祖魯訓中成

化丙戌進士年四十退隱不仕慕陶靖節

自稱六柳居士此臨侯以此名其集也

詩話侍郎處危疑之際內抑權姦外調重鎮備極苦心晚授命於燕京

堪與左仲及比烈若江州之焚倉猝不能戰將士當非其本心近見野

紀有誣公歸命 本朝者殆出怨家之口也軍中自銘曰死事也易成

事也難爲嬰弗克爲白維艱張死匪先許死匪後臣心靡他請獻我后

嗚呼父母有過則諫諫而不從則號泣旻天撻之不怨晉陽之甲豈可

訓哉既被獲抵大勝關親王傳語素總督著隨行與以大官做又自銘

曰大官好做大節難移成仁取義前訓是

依文山素山仰止庶幾素山侍郎自號也

明詩綜卷七十四

二

### 讀謝皋羽西臺慟哭記

南方有朱鳥飛中虞人弦飼以金精粒對之不下咽粒  
味豈不旨不如南土泉黃冠志弗遂碧血流濺濺有客  
感意氣慟哭西臺顛擊碎鐵如意悲響震嚴川歸舟不  
成寐髣髴語燈前嗟彼積翁羅我非雀與鳶夢炎何足  
刺知已殊未然周粟不可茹箕疇曾未傳生死良非苟  
忠孝各自全謝子幽明契聊以祕懷宣言罷倏不見月  
明高在天

### 至日感懷

葭灰吹律動長安猶記衣冠拜紫鑾此日近臣新寵澤  
貂裘駿馬不知寒



吳 易 九首

易字日生吳江人崇禎癸未進士有東湖唱和

集

詩話啓禎之間風雅凌替古風尤置不講曰生奮跡松陵誦六公詠原本杜老八哀之作是時第知卧子有起衰之功然卧子豐饒日生戊削各有其長

六公詠

靖遠侯王忠毅公驥

抱膝當時危懷古存匡濟英雄與世徂風烈忍衰替我  
思靖遠公振翻全盛世踴躍弓馬間談笑布軍勢甘涼  
始出鎮肅整戎伍氣張筵斬懦將股栗衆相視一舉平  
阿台河西晏亭燧麓川肆作逆公又決大計鎖甲金兜  
牟照耀宮中賜長驅展方略奪險扼背指麾風霆奔  
戰象失精銳萬古金沙江不聞漢兵至江枯石碣爛羅  
拜帳下誓凱歌萬里入勞使千里出不有爪牙臣何以  
正神器龍蛇壯士節蛙黽腐儒議嗚呼三征南丹書在  
苗裔

威寧伯王襄敏公越

威寧熊罷姿高視氣敵萬脫略繩墨外勇智走飛電大  
廷吐奇言排閭怒風旋威聲動異域瓌特震所見目屬  
膺帝心短袂故上殿帝曰快御史為朕將而弁所部皆  
鷹騰公也身搏戰擣虛握勝策入穴虎乃困一炬紅鹽  
池冰天千帳燭烽銷玉關烟雪卷陰山片棘門正高會



琵琶奏哀豔戰士挾秦姝頓使死力賤豁達籠豪英出  
沒神鬼眩丈夫重勲名志豈在鐵券絕塞縣孤臣中援  
何足玷慘淡黃金印零落白羽扇風塵暗不開北顧撫  
長劍

新建侯王文成公守仁

文成王佐才星嶽氣突兀資神道無餘童穉挺英越訪  
客絕塞游獷騎角馳射睥睨山川勢志蓋燕然磧縱橫  
五十家旣長稍折節空濛九華雲浩蕩南屏月以茲洞  
儒宗奧義大闡斥精微續聖系餘緒贊帝業運籌羣盜  
間颺焱百巢滅神龍無安翔金翅縱高掣逆旗蔽西江  
妖星射金闕公時擁上流安危視縣髮隻手提天綱雷

明詩綜卷七十四

四

轟走飛檄指顧縛元凶九廟初安帖煌煌再造勛不得  
身獻捷帝闈紛狼狐八荒置牙孽非公燁威名乾坤免  
頽疊控制仗兵符中樞洵雄哲吁嗟營青蠅功大賞故  
阮論道羅豪賢恬澹謝矜伐崩迫戎馬際講席每不輟  
中興劇南顧元老再秉鉞六字蛟螭獯千年銅柱圻漢  
儀燿百蠻灑淚思田碣威寧赫遺劍伏波愾廟謁乃知  
非常人洞達神爽接我生世未遠恐懼壯猷歇戡靖竟  
何入中原日流血

定襄侯郭忠武公登

郭公武定孫神駒渥洼好十齡走健筆歛吸振奇藻動  
徹春秋義兵法腹笥了安危異人出所以真皇造英宗



北狩初決機一何早黃塵擁翠蓋痛憤居庸道紫微爲  
盪搖柱極西欲倒我公奮孤撐乃心協少保國也今有  
君揮血視清昊截巢雲中城虎豹鬱相抱崩騰萬馬陣  
擊衆每用少猿臂捷有神鐵甲盡穿縞楊石雄軍聲鎖  
鑰資電掃撇烈天網翻槎枒地龍繞豈多三軍力遂爭  
造化巧詩看橫槊賦檄倚馬上草排宕非常姿灑氣秋  
空晶高詠戰場篇寂寞風流紹

少保戚公繼光

大將東南誰戚公眞鷹揚雄情恣捍闔祕策揮陰陽夙  
奉綦履訓更見經術詳結友傾賢豪文采殊頓頽曉達  
三門流以律師所臧龍鳥追武侯衡軸通軒皇變化開  
精心什伍爲鴛鴦島夷蹂南土兵氣慘不張閉營百日  
練戰力虎士強疾埽溟波平受鉞總薊方計伸犁庭威  
旄蔽日光呼韓遂稽首郅支亦來王款關四十年戎馬  
不敢颺伐暴貴上兵功豈必戰場竟無通侯賞坐使壯  
士傷時平武略絀世亂智勇長問彼登壇者曷以恢我  
疆

都督俞公大猷

文武道不殊自古惜灌絳俞公萬夫雄倜儻亦儒將讀  
書當陽亞雅歌征鹵上開豁延攬眞沉靜韜鈴暢公師  
趙布衣手畫風雲狀貫穿十八勢方圓識所叛瑣瑣部

使者叱咤故庸妾寇憑舟山劇策恃橫海壯洪飈排烈  
風壯氣噴高浪轍衝百丈城大壑千軍帳蛟宮覆絕島  
鯨波赤溟漲幕府害讜言不得功罪當奇績屢見攘塞  
默秉謙讓及乎雲溪役搜剔窮箐嶂遠憑死間力老謀  
一摧盪封侯數則奇燕領空殊相詎多驅除才大受足  
忠忼國恥今未雪元戎况飛颺豈無幽沉士屹然安危  
仗蒼茫鼓鼙思駕馭必英匠

東湖雜詩

二首

百代傷心地風烟莽不收江山一弔望吳越幾春秋鴻  
鴈青楓渚芙蓉白露洲霸才今寂寞何處問扁舟

禹蹟今何在蒼茫水國開山趨天目下日湧海門來笠

明詩餘卷七十四

六

澤橋如帶淞江水似杯東南輸輓盡鴻鴈有餘哀

從軍行

已分沙場報國恩身經百戰滿創痕但教死去圖麟閣  
不願生還入玉門

陳潛夫

一首

潛夫字玄倩仁和人崇禎丙子舉人榜名朱明  
後更焉除開封推官擢監察御史江東下率妻  
妾投水死

絕筆

父子生我申以嚴誨惟孝惟友曰忠與義丙子鄉舉顧  
名自勵名曰孝廉庶幾無媿致身之期歲在癸未司理



開封星言視事以身許君有死無二是時兩河賊氛如  
蝟衆人迴車子獨攬轡賊出河朔羣工奔避子乃渡河  
擊楫而濟誓清河南以報先帝手披荆榛身禦魑魅獨  
張空拳以當賊騎知有封疆九死何畏三十州邑終復  
舊地維時先帝鑒子忠瘁授以巡方繡衣北莅惜也諸  
姦互相牽制中樞信讒嫉子不婚聯絡要圖置之罔遂  
三月撤歸可爲隕涕哀哀先人一時捐棄甘旨莫承遺  
書淪廢我哀方盈姦怒轉熾赫赫金吾逮子卽第圍牆  
幽憂冠氛猝至匍匐歸來挈家奔避航海飄零請兵于  
會召募丁男三百而已衣甲糗糧皆子自備血戰江干  
二十餘次糧寡兵微於事何裨疾痛呼號徒然憤恚丙  
戌五月公侯師潰區區孤軍其何能濟事不可爲偷生  
何貴拜別吾母以及諸弟孳吾妻妾從彭咸逝成仁取  
義千古如是

張國維一首

國維字其四東陽人天啓壬戌進士除番禺知  
縣選授刑科給事中轉吏禮二科升太常少卿

以右僉都御史巡撫應天以工部侍郎總督河  
道尋遷兵部尚書坐劾下獄崇禎十七年春起

原官督餉直浙後死于難

登采石贈諸將

月明橫槊倚層峰宵柝風飄和梵鐘舊是開平賈勇處

諸君努力此書庸

陳函輝 一首

函輝初名焯字木椒臨海人鄉舉後改今名更

字木叔號寒山崇禎甲戌進士除靖江知縣以

疾乞歸後自縊於天台雲峰寺有寒山集

譚梁生云木叔

真率自矢不假藻飾其詩十九贈僧信手拈出使人有才多之憾

劉伶巷

有酒宜成頌知君恥獨醒回車經巷口荷鍤信丘冥死

豈人蕘得言猶婦可聽閉關當日飲想像只忘形

傅冠 一首

冠字元父進賢人天啓壬戌賜進士第二授編

明詩餘卷七十四

八

修歷侍讀中允諭德祭酒少詹事詹事掌翰林

院以禮部尚書兼東閣大學士進文淵閣有寶

綸樓集 陳皇士云公詩清華典瞻有唐人風

詩話傳公道格矜莊潤色閑麗去臺閣體不遠

早朝

西山爽氣接蓬萊紫殿光搖曙色開五鳳忽銜丹詔下

六龍時駕袞衣來班聯禁地三台近樂奏鈞天萬舞迴

聖主殷憂方借箸趨陪媿乏賈生才

朱繼祚 一首

繼祚字立望莆田人萬曆己未進士改庶吉士

授編修歷中允諭德庶子少詹事禮部右侍郎



進尚書入東閣後死于難

絕命辭

嗟予生予不辰逢慘禍予攬身乾坤崩隕予陸海爲塵  
日星掩曜予萬象沉淪人誰無死予鴻毛泰嶽惟其所  
處予殤延彭促旦夕畢命予去將安之夫妻子母予不  
得相依上告蒼天予鑒此微詞雖爲薑粉子甘之如飴  
千秋萬古予誰其予知與化俱徂予於戲噫嘻

路振飛

一首

振飛字見白曲周人天啓乙丑進士除涇陽知  
縣選授四川道御史累官漕運總督右副都御  
史後入閩自縊于邵武山寺

明詩綜卷七十四

九

除夕

仗劍以從戎自憐轉自喟黔驢欲噬虎病馬思追驥匡  
濟術渺然進退兩無致漂泊海舟中面目亦堪恚天心  
或垂憫俾全名與義寸衷百慮嬰竟夕不成寐雞鳴又  
一年歲月悲空棄

譚梁生云柄國酬知之日乃作此  
垂首喪氣之語足見不昧心人

揭重熙

一首

重熙字萬年臨川人崇禎丁丑以五經成進士

徐福寧知州有蒿菴集

詩話洪武庚午應天鄉試長泰黃文史以作全場五經題領解迨天啓  
甲子龍溪顏公茂猷亦作五經題騰錄官惜其才而嫌其違制止騰四  
子書義三篇易義四篇以入同考官祁公鹿佳取之既放榜始知爲五  
經也崇禎甲戌會試以知貢舉林公鉉言士子有作五經全題者得俱  
榜進允之於是顏公中式禮部刊會試錄特旨命題顏公姓名於第一  
八李青之前蓋異典也至十年丁丑則臨川揭公重熙十六年癸未則



嘉興譚公貞良茲謫馮公元覽武鄉趙公天麒皆以五經舉鄉會試又萊陽宋公瑚十二年己卯亦以五經中山東鄉試此科場盛事子在明史館分撰文苑傳擬以顏揭謫馮數公合作一傳既而放還不果念數公皆無負科名述之詩詔冀後之載筆者或有取焉

過釣臺聞晉撫蔡公訃哭之有感謝參軍遺事漫

賦

天星俄落晉陽軍路出西臺恨欲吞留得竹根如意在  
化為朱鳥也招魂

曹學佺 四十二首

學佺字能始候官人萬曆乙未進士除戶部主  
事移南大理寺副轉南戶部郎中出為四川右  
參政浙江按察使降廣西參議遷陝西副使留  
任桂平道天啓中除名為民崇禎初復官不赴

明詩綜卷七十四

十

家居殉節死有石倉全集

葉進卿云能始詩刻意三百篇取材漢魏下及王韋其旨沉以

深其節紆以婉其辭清冷而曠絕其初為眾所譁久而世稱之周方叔云先生力追正始響逸開元正如皎月素波清輝自別朱鬱儀云能始天才典瞻研討精深軒輊三唐吐納漢晉貌境必似造語斯真氣峭以濼而操調極平意鏗以鍊而掩辭若樸與會所至神情獨在

能始詩以清麗為宗其送梅子庾作

云明月且佳色秋鐘多遠聲程孟陽深愛之  
詩註明三百年詩凡屢變洪永諸家稱極盛微嫌尚沿元習迨宣德十  
子一變而為晚唐成化諸公再變而為宋弘正間三變而為盛唐嘉靖  
初八才子四變而為初唐皇甫兄弟五變而為中唐至七才子已六變  
矣久之公安七變而為楊陸所趨下竟陵八變而枯槁幽冥風雅外  
地矣獨陶魯風氣始終不易陶自十才子後惟少谷小變而高傳之外  
更家寘和若曹能始謝在抗徐惟和輩猶然十才子調也粵自五先生  
後惟蘭汀小變而歐楨伯黎維敬區用孺輩猶是五先生之  
調也能始與公安竟陵往還唱和而能曠然不滓无人所難

雪桂軒花開得語字

桂樹山之幽子昔擇而處顧此山中雪盈枝何楚楚去  
歲花開時山川蜀道阻臨風祇相思馨香落何所暮春



歸林下棲息淹時序月明花正發露下清且滑飄飄入  
人衣採摘盈筐筥料全久要義形影盍相與隱者信可  
招胡媿騷人語

林守易以新舫載予同游鼓山

木蘭舟旣成圖書載亦備匪資登山興疇信涉川利渚  
花垂岸榮沙鳥近灣戲浪洶峽門束帆側巖影墜密林  
屢移邨疎鐘遙倚寺微月出浦口澹然見游思

出郭別陳振狂將以暮潮解纜發之九龍

翩翩雙黃鵠矯矯雲中飛疾風一相失奄忽東西馳眷  
此同袍友恩義無乖疑春華不久榮秋葉乃多萎念當  
展行役攬涕從此辭往路何浩浩乃在瘴海涯答言別

明詩卷七十四

十一

故林與子同一時方舟夙已戒利涉臨余斯斟酌盈觴  
酒各致平生私景光不相戀良駟終難追攜手念已遠  
出門視多岐凡影但俯形一失俱相離幸言懷明德有  
如渴與饑心為道路樞安得不自知慎哉各努力勿負  
歲暮期終當續古懽為樂猶未遲

峽口逢陳幼孺

出門識別苦登車愁路長峽口斷地脈南北遙相望僕  
夫停其綏川廣限無梁仰視浮雲馳鴻鴈同翱翔方舟  
未云涉矚險先徇徨道逢相識人乃為心所當上言長  
相思下言適何方屏營周路側原野何茫茫安得盈觴  
酒與子同酌嘗大義亮金石俛仰鬱中腸吾欲展此曲



列坐無高倡，執手惜欲別。險阻誰相將，此水淺且涸。離  
憂方可量，命不與願俱。悲爲參與商，羨歎雲中鵠。比翼  
歸故鄉。

夜宿迎仙館

扶策入名山，幽奇恣心賞。嶺路鬱且紆，投林日已曠。修  
渚留餘光，玄廬此開敞。止宿無別驂，烟霞集吾黨。以茲  
流水喧，遂致衆山響。明月襲其輝，盈盈照帷幌。幽人有  
遐夢，夢到羲皇上。金雞遶樹號，東方色微朗。晨起不及  
炊，浩然乃長往。

喜雨同茂生作

在天有嘗度，雷鳴雨可必。奈何轟然聲，未見涓與滴。祇

明詩綜卷十四

十三

言他山暝轉爲日，氣逼久之稀。渡河而後月，離畢天澤  
若王師。奚爲後我及，禽眠枝上起。蝸涎瓦間滌，秋至農  
可望。晨興廚克食，祇恐懸河傾。明朝溪路澀，童子報平  
沙。離岸已數尺。

雨中過柳陳父看杏花陳父時有攜李之游

君家住近瓦官寺，金陵城中最僻地。向來名作杏花邨，  
花開始有游人至。此時結伴過君家，歲歲年年成故事。  
花枝雖不用錢買，濁酒應賒爲客醉。客醉看花倒接羅，  
瀟瀟微雨踏成泥。枝頭莫惜終零落，明日東君渡浙西。

棲霞寺

入山已深邃，初地化爲城。古塔無全影，疎鐘尚舊聲。佛



龕沿嶺鑿僧舍傍泉成怪昔梁江總幽居斷送迎

得張林宗書

一秋望不見此日寄來書簡略無餘字蕭條慰索居何  
嫌知我少惟恨與君疎安得秦淮水能通浪蕩渠

病中思歸

累雨山寒重今春花事稀長貧那免病百好不如歸海  
樹遙閩嶠江津黯燕磯故園猶有路夢裏已多違

蕪湖

客問鳩茲地蕪湖七里長春秋無義戰吳楚混封疆館  
驛臨江左僑居盡洛陽猶餘赭山石仍屬古丹陽

由鴨欄至巴丘登岳陽樓

明詩綜卷十四

十三

欲問巴蛇冢先過鬪鴨欄山名天岳固湖取洞庭寬郡  
邑如沙聚帆檣若樹攢平生懷曠達今日遂游觀

山路雜興

瓦井尋何處沙溝苦欲崩斷碑猶有寺乞食即無僧山  
勢開仍闔天光降遞升平生懷勝癖遇此乃飛騰

木瀆過黃伯傳宅

已失橫塘路仍逢木瀆橋夕陽湖正滿春草岸俱遙餉  
客煩雞黍呼童灌藥苗由來故人宅相過意偏饒

歸宗巖道中

輿步行相半山迴徑轉幽野亭漁竝席官渡馬同舟樹  
古根盤道橋崩石咽流日斜人境寂谷鳥嘒啾啾



温陵

驛路連山路城門控海門  
島船秋更急沙鳥暮能喧  
落葉樵蘇逕刺桐風雨邨  
素衣塵變盡聊以濯清源

荒口舖

地與施州近山開百里長  
未應能弔屈只合此投荒  
燒過厓俱黑春歸草尚黃  
南流溪水急那更入巴鄉

登塗山絕頂

百折來峰頂三巴此地尊  
層城如在水裂石即爲門  
澗以高逾疾松因怪得存  
瑤階金翠色人世已黃昏

沙溪別東生

幾夜舟中語沙溪便有程  
忍將離別淚一灑合州城  
小

明詩綜卷十四

十四

雨入江暮微陽穿樹明  
曰歸何不得歲晚事孤征

合江舟中閏十一月晦

獨坐舟中趣無人對寂寥  
讀書猶不覺問路便成遙  
江水屢云合離魂何處招  
非緣今歲閏除夕更蕭蕭

臘月之朔過江津

似此嘉平月言過險惡灘  
春光臨路近夜雨入舟寒  
酒禁開云乍梅花惜已殘  
迷津如可問休作隔江看

時子午  
撤齋素

寄信

家居閩海上寄信兩都中  
道里雖然隔逶迤或一通  
人生皆逆旅歸念甚兒童  
無計堪相慰淒其落葉風

支機石



一片支機石傳來牛女津客槎何處所卜肆已生塵較  
似昆池古長從漢月新每逢秋夕裏吟眺倍相親

萬曆皇帝輓歌

庚申年七月內事

薄海聞遺詔旻天號泣多屬精時匪懈法祖算還過龍  
去徒留劍烏傷不渡河前星早有屬臣庶已謳歌

泰昌皇帝輓歌

四首

龍馭升遐日封章滿御牀施行猶令旨德意自先皇沛  
若江河決俄然石火光更聞哀詔到能不重徬徨  
勸進箋三上騰懼遍九垓逐臣皆召用中使盡收回貨  
出昭先儉心勞集相才大工須計日久矣柏梁災

罷稅不停徵邊庭歲用增金錢溢輸輓士馬飽飛騰北

明詩綜卷十四

十五

關聞天語東隅望日升那堪遽辭世倉卒治山陵  
九轉神丹祕三旬帝業終春秋書法謹中外揣摩窮雨  
泣將填巷攀髯或墮弓由來戮方士豈但為無功

寄關中張太守

關西遙望路漫漫泰華峰陰日夜寒長樂故宮秦輦絕  
未央前殿漢鐘殘月明渭水浮三輔花發驪山繡七盤  
京兆風流誰不羨時從閨閣畫看

送荆民部之淮陰

水色浮空下洞庭青山不斷好揚舲人過北固吳王寺  
吏待南昌楚客亭別日鴈鴻俱後到望秋蒲柳已先零  
但思擊筑荆卿侶長自悲歌不願醒



金陵懷古

江東列郡領丹陽鼎足三分此一方總爲石頭成虎踞  
不知巫峽下龍驤雲生寢廟千秋闕月照籬門幾夜長  
年少風流能顧曲行人猶自說周郎

雄縣

燕南趙北易西京此地猶傳避世名河向瓦橋關外轉  
樓聞鼓角地中鳴雄山警蹕留行殿亞谷降王有故城  
幸沐聖明無外化宋遼何事日尋盟

武夷

丹丘遺蛻不知年方外尋真思渺然仙橋堂空碁撤局  
御茶園廢竈無烟峰頭亂插虹橋板渡口難移架壑船  
忽聽玉笙聲縹緲步虛已近大羅天

明詩綜卷十四

十六

大田驛訪陳伯孺時伯孺客越未歸

斜陽繫馬訪幽棲古驛門前渡小溪鬼火漸明青嶂裏  
人烟猶隔翠微西涼生遠樹鳴蟬斷秋老平沙落雁低  
何事王孫歸未得松雲蘿月思淒淒

湖間即事

仙源迢遞杳無涯拂樹齊開十月花半壁莓苔千古色  
一邨雞犬幾人家珠簾暮挂峯頭雨玉箸晴餐洞口霞  
世路不堪回首望成田滄海日將斜

蜀府園中看牡丹

錦城佳麗蜀王宮春日游看別院中水自龍池分處碧



即摩訶池  
華言龍也

花從魚血染來紅

蜀中牡丹以魚血紅為第一

平臺不到林間日

曲岸時迴洞口風盡道今年當大有何妨行樂與人同  
送戚山人之內黃兼簡鄧遠游明府

三月鶯聲別故山  
萋萋芳草照離顏  
春光白下無多日  
夜月黃河第幾灣  
置驛正當賓客盛  
弄琴遙識使君閒  
閨中易作刀頭夢  
珍重休過博望關

送李玄白擢淮揚運長

東南財賦困征求  
轉運今須第一流  
際海金錢輸九塞

隔江歌吹是揚州  
春風芍藥堂前宴  
夜月瓊花觀裏游  
舊治如皋行部處  
冰絃猶自韻高秋

送茅止生北征

明詩綜卷二十四

七

中原兵氣亂成羣  
流寇流民兩不分  
背水孰能韓氏陣  
撼山難動岳家軍  
衝邊慣戰方良將  
側席憂居有聖君  
七尺男兒三尺劔  
笑人毫楮立功勳

松梯

身入蒼翠中  
落日無人影  
步步踏松根  
不覺到前嶺

閩中清溪朱邑宰里人也  
以荔支名  
綠扶包者見餉

三灣亭子寄山坳  
夾樹人家似鳥巢  
謾說故鄉相見好

荔支先餉綠扶包

即席贈黃姬

座客如雲待舉杯  
香車門外屢相催  
非關故意梳妝緩  
自昔佳人喚夜來

彭期生 一首

期生字觀民海鹽人萬曆丙辰進士歷官江西按察副使分巡湖西守贛州城亡自縊有弱水

山人詩集

詩話先生與楊萬諸公力保孤城死之日守備楊大器潛收其尸瘞于萬安縣之百家村仲子孫貽詒其遺骸未得久之鄉人胡樞知萬安縣事一夕夢先生語曰遺骸在縣境若能歸之故鄉幸甚會大器之友曾堯亦以狀白樞樞資遣之至海鹽家人誥其事皆合于女族以血漬遺骨俱沁入刀慟哭葬之說者比於思歸之溫序焉

送秋

悲秋秋去轉堪悲枉復登臨賦楚辭遠壑水殘斜照斂  
荒原煙冷朔風吹天邊白鴈迷消息月下清砧感別離  
蟋蟀似能占物候寂寥一夜傷牀帷

明詩綜卷十四

七下

姚奇胤

二首

奇胤字有僕錢塘人中崇禎庚辰會試癸未進士除南海知縣後死贛州之難有草玄堂詩集

秋夜

遙夜苦無寐起視明月光涼風天上來隨月入我堂披  
衣步前除獨立以徬徨蟋蟀既已鳴鴻鴈亦來翔感此  
時物變怨彼去日長生非金石妾安得恒壽康憂來不  
可輟慷慨吟此章

遊虎丘

高丘窈窕恣幽探席展諸天坐尉藍聽徹疎鐘歸懼動  
半塘漁火泊城南



劉同升 二首

同升字孝則吉水人祭酒應秋子崇禎丁丑賜進士第一人授修撰謫按察司知事尋復官守贛州死

詩話劉公與楊萬諸公固守贛州或云或末陷先病卒或云城破死之傳聞異辭再考

由百花溪登玉笥山

朝看山出雲暮看雲入笥山行若無蹊恰有青童至指點絕壁間仙臺藏勝地藤枝匪易攀屐齒猶可置日午聞雞鳴巖椒啓金字出險坡漸平劃然人境異連峰涌下界撲面聳層翠因過丹竈房縱覽紫微志白花雨外明紅果林間墜晚食供芋魁晨鐺倒茶櫃坐久慵下山

明詩綜卷七十四

十六

行界句曲山中

地肺通幽處泉流泱泱聞山形同一已仙籍注三君衣潤恒燒朮人來欲贈雲青童煩指點十賚拓遺文

楊廷麟 八首

由廷麟字伯祥清江人崇禎辛未進士選庶吉士授編修改職方主事軍前贊畫降調起補編修死贛州有兼山集

詩話伯祥慨抗林滿特取材未純故辭多鬱鬱

懷楊進士

青青東門阪上有蘿藤結願得一心人白首無磷涅周

才慎所處不敢居明哲開戶見性情羣動齊巧拙翔鳥  
安其巢離獸營彼穴萬物各爲友吾生何所悅名山豈  
易求耦耕效長桀

諸葛武侯祠

霸氣西南日嘗聞屢出師才爲王者佐學與古人期柏  
剩一孤樹桑移八百枝中原仍帝魏遺恨史臣辭

示城兒

歸舟今夕遠西望獨沾巾骨肉天涯闊山川枕席親前  
詩思有汝好學或如人以此發深省鄉書不厭頻

別葉侍御

渾水橋邊寺北田行滕東去雨連縣桑邨古渡沙移路

明詩綜卷七十四

十九

茅屋人家鳥就烟江左衣冠悲楚澤淮西烽火接秦川  
更聞羣盜郊原遍欲下潯陽萬里船

秋興

四首

北湖菱葉近漁家烟浦荒雁路斜濕鳥立沙聞社鼓  
野人當戶伺田瓜月明露上蒲萄蔓夜靜風生菖蕩花  
悵望故園溪外渡一聲橫蘧冷蒹葭

司戶祠前一騎回邊烽未舉嫚書來漢臣獨有和戎策  
楚子誰稱執政才半壁但愁軍餉乏三關不覩陣雲開  
最憐風雪盧龍塞換取牙門酒一杯

疆弩將軍七萬營銀鞍金甲耀東征市兒果銳輕言戰  
上相安危慎用兵海鳥自啼狼虎嶺妖星空照鳳皇城



河西百里無消息又道青山夜火明

漢家歲歲戍居延新築渾河北斗邊文學未諳鹽鐵論  
公卿誰進度支錢高城寒聽菰蒲雨戰骨秋枯苜蓿田  
壯士不聞還易水至今賓客淚潸然

萬元吉 一首

元吉字吉人南昌人天啓乙丑進士授潮州推  
官補歸德再改永州入為大理評事遷兵部主  
事出知揚州府歷太僕寺卿監軍江北死鄆州

游月巖謁周元公廟

中歲不聞道汎汎逐萍梗緬懷先哲型沉憂不出頰茲  
來矚巖月鬼斧鑿天影尺竇洩素雲一星射瑤井物理

明詩錄卷七十四

二

竟何如遐蹤忽深省元公昔幽憩萬慮悉以屏陰陽動  
靜初澄心得妙領於焉瞻遺廟百世尚嚴整冥心無極  
前衣露遍清冷

黎遂球 五首

遂球字美周番禺人天啓丁卯舉鄉試死贛州

之難有蓮鬚閣詩集

萬茂先云美周思以才靈學以才化異以才通語以才妙讀其詩覺有靈光異

采在日光離合間 徐巨源云萬曆五十年無詩溢于王李能于素徐  
織於鍾譚乃今獨見美周讀之如春風點蕩夏雲崔嵬如坐百花雜聽  
簫韶美人卸容翾動左右 陳伯璣云美周  
近體稍傷艷面五言擬古諸作高于今人

詩話宋季吳月泉主社賦春日田園雜興維公福擅場得羅一縷七筩  
五十矢墨五筩元季饒介之主席賦解樵歌張仲簡擅場得黃金一餅  
崇禎初鄭進士趨宗未第時主會賦黃牡丹詩者百人美周居第一時  
號黃牡丹狀元三事木太平佳話而皆出於百六之秋公福肥遜仲簡  
遂初美周則授命虔州三君子各自靖尤為美談美周詩不為  
格律所縛大都以才勝徐巨源謂太白以後一人未免過實矣



花下歌

生平不事求神仙願上東海求仙船童男童女各三千  
教之歌舞及管絃逍遙行樂二十年遂令婚配同力田  
可得萬人馳九邊大雪國恥銘燕然老夫鬚眉圖凌烟  
結屋花國臨酒泉名儒俠客列四筵等閒詩賦人爭傳  
乞得一字十萬錢

歡聞變歌

鏡破面自圓誰能破儂面天地縱反覆儂亦與歡見

懊惱歌

歡初戀儂時夜夜門前立今日歡棄儂對人不敢泣

少年行

年少傳聞十二州報人讎盡轉多讎經行不用變名姓

明詩綜卷十七

五

醉卧胡姬賣酒樓

山中

寂寂春眠野夢多酒醒那識夜如何山中慣不聞雞犬  
只是天明鳥便歌

梁朝鐘 三首

朝鐘字未央廣州順德人崇禎己卯舉人有喻

園集

憶檀溪

半月襄城路山川滿目迷後聞都護語知已渡檀溪遙  
憶歸鞭處微沙沒馬蹄叩門抱長慟忍入邵陵西



將出皖留別楊六符沈乃功唐聖俞徐譽星諸先  
生時子將入襄歸粵

船傍垂楊別緒生烟含春樹鴈歸聲羣公縞帶遺吳錦  
幕府青絲唱渭城幾樹烏啼趨夏口何時馬首望西京  
江南江北如相憶千里高樓待月明

題画兼寄友人

灞陵山色動秋風開遍黃花九月中每憶江南帶霜樹  
夕陽疎葉渡頭紅

張家玉

三首

家玉字玄子東莞人崇禎癸未進士改庶吉士  
有遙夜怨軍中遺藁

明詩綜卷七十四

三

錄別和李定夫

鴛鴦戲清池兩兩常相倚羽翼臨當垂風波中道起相  
對尚難知何況萬餘里來親去者疎毋爲貴君子子懷  
抱區區君諒執高誼

塗中感舊

燈下妖姬月下筵風流曾汎太湖船如今回首神京隔  
腸斷西風憶往年

閨思

竹林啼鳥遍春暉何事行人尚未歸惆悵夜來牕月白  
夢魂飛不到金微

陳子壯二首

塞丹賦子壯字集生南海人萬曆己未賜進士第三授  
大興編修天啓末削籍崇禎初以原官起用歷諭德  
詹事升禮部右侍郎進尚書家居殉難有雲淙  
集

耕籍禮成恭紀

天子親行畝微臣相秩宗清塵傳蹕靜瑞靄出郊濃高  
柳喧靈鵲華芝結袞龍普天應有兆九穀在三農

春日侍諸父泛舟桃花塢

欲作郊居即灑西紅芳十里勝金堤不知南漢千年苑  
更入東風幾曲溪負局客來籬犬吠和歌誰伴乳鶯啼  
清時羣從多游好豈是秦人世外迷

明詩綜卷七十四

三三

陳邦彥

三首

邦彥字會斌廣州順德人貢生以兵保清遠師  
潰死于難有巖野集

詩話巖野僻居嶺南與黎美周歐子建陳喬生以文章聲名互應復社  
卒殺身以成仁其南上草自序云南黎曼歌慨當以慷亦各言其  
又臨命歌云書生漫談兵時哉  
不我與君子誦其詩而悲之

南雄道中逢霍階生

病後無顏色秋深有遠行漸於鄉土隔翻遣故人驚歸  
思珠江道前塗白下城嶺梅殊未發貽贈若爲情

重別葉公士

大雅風斯遠知音世所稀他山情獨切兩地夢俱飛楚  
塞丹楓暗吳門翠岫微祇憑文賦在萬里未相違



雨夜宿吳潮泗江驛

去家五百里相過重鄉音  
客路傳前語江流檻外心  
風連三峽暗雲隱二禺深  
莫竹登樓賦柴扉尚可尋

明詩綜卷七十四

明詩綜卷七十四

十四

即前卷第十四

思珠江道前望白下城

數三魁韻美鄧二禺深莫竹登樓賦柴扉尚可尋

去家五百里相過重鄉音客路傳前語江流檻外心

風連三峽暗雲隱二禺深莫竹登樓賦柴扉尚可尋

